



Wantok

Namba 2076 Jun 19 - 25, 2014 28 pes

Niuspepa Bilong Yumi Ol PNG Stret!

K1 tasol

Insait:
PM tok ol gavman opis i bagarap- P2
Toami Kulunga kamap Sir pas-taim long kot disisen- P4
NEC rausim Kauba- P5

Tablebirds
NO. 1 KAKARUK BILONG YUMI!

Tablebirds FARM FRESH
real fresh chicken!

proudly PNG MADE

BAIM PNG MADE NA KAMAPIM MOA WOK



Ol NEC memba long O'Neill gavman wantaim Praim Minista long asde i tokaut long ol disisen bilong NEC long rausim Simon Kauba long Polis Komisina, rausim Tas Fos Swip bihain long Kot i surukim kot harim bilong PM i go long neks wik. *Lukim stori long pes 5 na 6.*
 Foto: Nicky Bernard

Kot bilong PM bai kamap neks wik

- **Paul Mawa bai makim Polis**
- **Polis i no inap arestim PM**
- **Polis laik PM go long intaviu**

Stanley Nondol i raitim

WAIGANI Nesanel Kot asde i skruim de bilong harim toktok bilong ol polis i no ken arestim Praim Minista Peter O'Neill, i go long Jun 25 bihain long Polis Dipatmen i senisim loya bilong en. Dispela keis i hap bilong ripot bilong givim tok orait bilong baim K71.8 milien i go long Paul Paraka Loya. Loya i makim Polis Dipatmen

Paul Mawa i askim kot long givim em sampela taim long stadi gut long kot pepa bikos em i nupela. Em i kisim ples bilong loya Nicholas Miviri. Dispela senis i kamap bihain long Mista Miviri i askim kot long Tude sapos Praim Minista i gat pawa long stopim wok bilong polis aninit long konstitusen. Asde long kot, Jastis Ere Kariko i tokim loya i makim Praim Minista, Tiffany Twivey na loya Mawa

olsem ol i mas kam bek na tokim kot long wanem as na polis bai no inap gohet long mekim wok bilong ol aninit long konstitusen bilong kantri. Polis i pinism wok painim bilong ol long komplem bilong K71.8 milien na i stap wantaim kot nau. Tasol no gat tok klia dispela taim sapos loya Mawa bai putim nupela aplikesen o em bai makim polis long ol kot pepa loya Miviri i bin putim pinis.

Loya Nicholas Miviri tu i putim pinis afidevit bilong Siaman bilong Tas Fos Sam Koim we i sapotim wok painimaut bilong ol polis. Ol polis bai no inap go het na arestim Praim Minista Peter O'Neill inap long kot i mekim disisen bilong em long aplikesen loya bilong Praim Minista i mekim long kot.

I go moa long pes 4...

OCEAN BLUE TUNA

Gutpela abus tru na i no dia tumas!

OX & PALM

Yakam Kelo i lukluk long sindaun bilong gavman

PM tok ol gavman opis i bagarap

....Wok painimaut bai sekim olgeta lain



Praim Minista O'Neill, gavman opis i bagarap pinis.

Yakam Kelo i raitim

PRAIM Minista bilong Papua Niugini, Peter O'Neill, i tok em bai no nap lusim opis yet inap wanpela wok painimaut i mas kamap long tok klia olsem em i gat asua insait long K71 milien peimen bilong biknem loya, Paul Paraka.

Mista O'Neill i tokim ol nius manmeri long Tunde olsem gavman bilong em bai kamapim wanpela wok painimaut ol i kolim Komisnin ov Enkwairi i go insait long dispela hevi bilong K71 milien peimen we Fainens Dipatmen i bin peim i go long Paraka loya.

Sapos dispela painimaut i soim klia olsem em o husat bikman long gavman o dipatmen i gat asua long dispela peimen, orait ol mas kisim

sas bihainim lo bilong Papua Niugini.

Mista O'Neill i tok gavman bilong em i gat bikpela luksave nau olsem planti gavman opis i wok long pasim tok o mekim sait wok insait long bagarapim nem bilong em na opis bilong Praim Minista long dispela taim.

Mista O'Neill i mekim dispela tok tok bihain long polis i bin kisim waren pepa bilong holim na sasim em long Mande dispela wik bikos long K71 milien toktok.

Ol toktok i bin stap olsem praim minista i bin sainim dispela tok orait bilong mekim peimen (K71 milien) i go long loya kampani bilong Paul Paraka.

Mista O'Neill i tok em i no bin kisim wanpela mani o samting in-

sait long dispela peimen na tu, em i strongim tok yet olsem em no bin sainim dispela pepa o tok orait bilong mekim peimen.

Gavman bai kamapim dispela wok painimaut o Komisnin ov Enkwairi we olgeta lain bai stap insait long em olsem Dipatmen bilong Atoni Jenerel na Jastis, Fainens Dipatmen, Polis Dipatmen na ol lida bai stap insait long sekim ol.

I gat luksave olsem ol dipatmen ya wantaim polis na wanwan bikman long kantri i wok long poroman na mekim wok wantaim long daunim praim minista na opis bilong em, Mista O'Neill i tok.

Em i tok luksave nau em, planti dipatmen na ol gavman opis long PNG i bagarap pinis long paul pasin (korapsen). Olsem na em i

tok dispela wok painimaut bai sekim yumi olgeta na sapos em asua, orait bai em bai bihainim rot na pasin na sanap long Kot.

Em tok tu olsem bipo kantri i no save lukim gavman i sanap strong na ran gut olsem tude. Bipo em wan man bos i save ranim kantri na yumi save kros planti.

Inap nau em olgeta pati na ol lida i sanap wantaim olsem na planti distrik na ol taun bilong yumi wok long lukim ol bikpela senis na divelopmen i kamap we i soim olsem kantri i sanap strong nau na ran gut.

Praim minista i askim ol nius manmeri tu long raitim nius bilong ol stret we i gat trupela na stretpela toktok long en na i no ken stori we

i hap tru o i no tru olgeta.

Long Mande dispela wik, Polis Komisina, Sir Tom Kulunga bin sainim pepa bilong singautim Praim Minista long go bekim sampela askim bilong polis bihainim dispela toktok bilong K71 milien ya.

Tasol ol polisman bin go wantaim waren pepa bilong holim na sasim em.

Praim Minista i tok em no bin ronawe long wanpela samting o traime long abrusim dispela pepa tasol em lukim olsem dispela samting i no bihainim stret rot na pasin bilong lo long kisim waren ov ares pepa.

Ating em intres bilong sampela lain we polis i karimaut dispela waren pepa, em tok.

Dion sanap baksait long O'Neill

DEPUTI Praim Minista na memba bilong Is Nu Briten Provins, Leo Dion, i sanap strong long egensim pasin ol polisman bin laik mekim long holim na sasim Praim Minista, Peter O'Neill, long dispela wik Mande.

Mista Dion i tok insait long olgeta demokretik kantri long wol, olgeta praim minista bilong ol i mas gat bikpela rispek pastaim long wok painimaut o sekim ol ripot na toktok i ken go het. Long dispela sait nau, PNG i narakain olgeta, em i tok.

Mista Dion em memba bilong Triumph Heritage Pati (THE pati) we sampela memba bilong ol i stap long gavman na holim ol wok minista.

Mista Dion i tok pasin ol polis i mekim wantaim husat arapela dipatmen i no soim dispela rispek o luksave bilong sekim na toktok wantaim Praim Minista bilong kantri sapos i gat toktok egensim em i kamap. Ol opisa i abrusim tru pasin bilong rispek, em i tok.



Dion, sanap long baksait bilong O'Neill.

Em askim tu ol nius ripota long skelim gut na raitim gut stori bilong ol bikos long PNG em ol pipel save gat kainkain tingting. Wanem samting bin kamap pinis long nius em ol pipel i ting Praim Minista i gat asua pinis long mekim rong. Tasol ol no klia long rot na sistem we i stap long bihainim olsem na ol nius lain mas raitim klia na stretpela nius bilong ol.

Ipatas tok PNG i gat strongpela lidasip nau

GAVANA bilong Enga provins, Peter Ipatas, i soim sapot bilong em long gavman long dispela taim we salens i kamap long sasim Praim Minista, Peter O'Neill long dispela wik bikos long K71 milien peimen bilong loya Paul Paraka.

Mista Ipatas i tok dispela Gavman i ron gut na kantri i sanap strong pinis na dispela em bikpela samting yumi olgeta mas lukim na amamas long en.

Taim kantri i sanap strong na ran gut, em bikos i gat gutpela na strongpela lida we i hat long painim o kamapim hariap long ranim kantri gut.

Olsem na yumi olgeta i mas givim bikpela rispek



Ipatas, Gavana bilong Enga.

long opis bilong praim minista na lida husat i stap long en na ranim long dispela taim, Mista Ipatas i tok.

Mista Ipatas i tok sampela lida long kantri bilong yumi em yumi mas sekim ol gut bikos ol wok long mekim samting we i

bilong amamasim ol yet na i no tingim intres na gutpela bilong kantri.

Em i tok Mista O'Neill i tokaut pinis olsem em i no bin kisim wanpela amamas long wanpela samting insait long dispela K71 milien we toktok nau i sut long em.

Tasol i gat ol lain husat bin kisim amamas na helpim long em i wok long raun fri i stap na polis i no holim ol yet.

Em tok Praim Minista Peter O'Neill i no ronawe, em i stap hia long kantri tasol polis i kisim narapela kain pasin olgeta long holim na sasim em.

Polis i nogat rispek tru long dispela bikpela het bilong kantri bilong yumi long mekim olsem.

Mista Ipatas i tok tu olsem Papua Niugini bai lukautim sampela bikpela bung na pilai long kantri bilong yumi olsem Melanesian Festival ov Ats long neks wik, Pasifik Gems long neks yia, Komonwel miting hia long PNG na arapela moa.

Na pasin yumi mekim nau i soim piksa nogut tru long ai bilong ol arapela kantri husat bai kam long lukim kantri bilong yumi.

Em tok PNG nau i ron gut na sanap strong olsem na yumi mas soim rispek long Praim Minista O'Neill na larim em pinisim dispela taim bilong em we ol pipel i givim pawa long en.



Maru Minista bilong Tred na Industri.

Maru tok planti bisnis bai kam long PNG

PLANTI kantri i gat bikpela laik tru long kam mekim bisnis long Papua Niugini, Minista bilong Tred na Industri na memba bilong Yangoru Sausia, Richard Maru i tok.

Nau, kantri bilong yumi i ron gut na lidasip bilong em i strong nadispela i pulim tingting na intres bilong ol bikpela bisnis long ovasis long kam mekim bisnis hia

long PNG, Mista Maru i tok.

Mista Maru i tok bikos long ol dispela gutpela samting we i laik kamap, i no gutpela long wanpela o tupela man bai mekim kainkain pasin na samting long bagarapim dispela gutpela samting we kantri na ol pipel bai kisim amamas long en.

Gutpela nem na piksa bilong kantri i mas stap gut long nau bikos long ol gut-

pela samting we i laik kamap, Mista Maru i mekim dispela toktok long sapotim Praim Minista, Peter O'Neill, bihain long ol ripot i kamap olsem polis i laik holim na sasim Mista O'Neill long toktok bilong K71 milien peimen bilong Paul Paraka loya.

Mista Maru i tok em i askim nau nupela ekting Polis Komisina, Geoffery

Vaki, long sekim gut tru ol bikhet na paul polisman husat i wok long mekim ol wok bilong bagarapim ol lida na bagarapim nem bilong polis fos.

Em i tok pasin sampela polisman i mekim long karimaut oda em long sevim tasol intres na amamas bilong ol lain husat i no ting long gutpela bilong kantri we yumi wok long bungim

na ron long en tude.

Mista Maru i tok aninit long gavman bilong Peter O'Neill, distrik bilong em long Yangoru Sausia i lukim na kisim K10 milien bilong mekim wok insait long distrik. Bipo em nogat. Wankain tu planti distrik nau i lukim mani i kam daun na senis na wok i kamap long stretim ples na bringim sevis go insait.

Parkop askim ol pipel long stap isi

Yakam Kelo i raitim

GAVANA bilong Nesenel Kapitol Distrik (NCD) Powes Parkop i askim olgeta pipel bilong NCD long stap isi na tingim wok na skul bilong ol.

Mista Parkop i mekim dispela toktok bihain long ripot i kamap long dispela wik olsem polis i laik holim na sasim Praim Minista bilong Papua Niugini, Peter O'Neill bihain long ol ripot na toktok bilong wanpela pas i givim tok orait bilong O'Neill long baim K71.8 milien go long loya kampani bilong Paul Paraka.

Mista Parkop i tok nau yet em olgeta memba bilong gavman i sanap wantaim na givim sapot long Praim Minista Peter O'Neill. Mista Parkop i tok yumi ken lukim olsem siti bilong yumi i wok long kisim olgeta sapot i kam long Gavman long stretim rot na kamapim ol bikpela senis long siti.

Dispela yia bai Mosbi i lukautim bung bilong Melanesian Festival ov Ats, neks yia bai Mosbi i lukautim bikpela Pasifik Gems, ol bikpela rot projek i kamap nau, ol pikinini kisim fri edukesen na planti gutpela samting i kamap nau, Gavana Parkop i tok.

"Long dispela as, mipela olgeta memba bilong palamen i amamas na sapotim dispela gavman bikos olgeta provins na distrik i lukim sevis na developmen na ol bikpela bisnis developmen insait long kantri," em i tok.

Gavana i tok insait long siti mipela i no save lukim kain sapot na senis olsem bipo inap nau olsem na mipela i sanap strong wantaim Praim Minista bilong yumi.

Tingting bilong Gavana Parkop long dispela woren ov ares pepa we polis bin kisim long holim na sasim Praim Minista, em tok em i no save long wanem kain rot tru ol kamapim dispela pepa.

"Mi no kliia tru long dispela kain pasin bikos olsem loya, mi save olsem sapos man i no bihainim Kot oda na ranawe long kot orait ol i ken kisim woren ov ares long em. Praim Minista i no ranawe, em i stap," Parkop i tok.

Em i tok kain pasin ol polis i mekim i bagarapim tru nem bilong Papua Niugini stret bikos ol i mekim sot kat stret na i no bihainim rot na pasin stret long kisim Praim Minista.

Em i tok olgeta pipel, bikman o lida i mas bihainim lo na kam daun tasol pasin bilong karimaut kot oda o woren ov ares pepa olsem i mas bihainim rot stret.

Gavana i no tok long dispela ples graun no gat wanpela Praim Minista insait long wol em stretpela man tru. Olgeta lida i save pundaun o mekim asua tasol long PNG, yumi mas amamas olsem dispela Praim Minista bilong yumi em gutpela bikos em i mekim wok i kamap na senis i kamap long olgeta hap bilong kantri.

Mista Parkop i singaut long ol pipel bilong NCD long stap isi, go het long mekim wok bilong ol na ol skul pikinini i mas stap isi na go het long skul bilong ol.

Em i tok no ken harim na seksek nabaut long dispela ripot o toktok bikos em i samting bilong politiks na lo long stretim i go kam.

OI PMV i sasim K2 long Bomana rot

BAS fe long 8 na 9 Mail, Bomana na ATS autsait long Mosbi, nau i go antap long K2.

Long moningtaim na apinun long 4 klok, ol boskru na draiva i sasim K2 long ol bikpela manmeri na ol pikinini tu.

Maski fi i go antap, ol pasindia i baim yet K2.

Dispela tu i kamapim planti toktok watpo ol atoriti na ol trefik i no mekim wok long sekim na sasim ol boskru wantaim draiva.

Sampela bilong ol bas tu i no gat rejistresen, na draiva i no gat laisens na ran long rot. Sampela boskru i komplem olsem wok long rot i mekim hat long mekim mani long nomol bas fe ol i save kisim long en.

Sampela sumatin i wokabaut long go skul na taim ol i leit long kalap long bas, ol i no go skul. Olsem na planti manmeri na ol pikinini i save wokabaut long moning na apinun.



NCD Gavana Powes Parkop i stap long wanpela midia konprens wantaim Deputi Siti Edministreta, Sosol Sevis, Honk Kiap na Udu Vai, Menesa Pablik Rilesens na Eksekutiv Opisa bilong Siti Menesa.

Accessible 12,000 locations nationwide

Safer
Less cash, less risk

Cash Out
FREE at time of purchase

Convenient
Located at BSP Agent or Merchant in your community

Cheaper
Standard fees apply*

wantok moni
Cash out

Better than Cash

*BSP Merchants are not permitted to apply surcharges on BSP EFTPs.

For more information

320 1212 / 7030 1212 - 24/7

servicebsp@bsp.com.pg

www.bsp.com.pg



Toami Kulunga kamap Sir pastaim long kot disisen

Yakam Kelo i raitim

ONA na Awods (o luk-save) Komiti bin makim nem bilong Polis Komisina Toami Kulunga sampela mun pinis long kisim dispela medol bilong Kwin long kamap Sir, Opis bilong Gavana Jenerel i tokaut klia long dispela.

Long Kwins Betde

lista, Toami Kulunga wantaim planti arapela bikmanmeri bilong Papua Niugini bin kisim luksave o awod bilong Kwin long wok ol bin mekim insait long Papua Niugini.

Opisel Seketeri bilong Gavana Jenerel, Jenerel Tipo Vuatha, i tok kaunsil i bin redim nem bilong Sir Kulunga wantaim ol arapela lain

pinis bihain long ol i kisim awod. Olsem na wanem samting bilong kamap long dispela wik long sait bilong Kot egensim Sir Kulunga em i no inap stopim awod na luksave bilong em i kam long Kwin long wok em i bin mekim long sevim polis fos insait long kantri long 30 krismas. Dispela rekot tu i stap pinis

long gaset buk long London long Ingran.

Opis bilong Gavana Jenerel i mekim dispela tok klia bikos Sir Toami Kulunga bin kisim sas long kalabus bihainim Kot disisen long las wik Fraide na nem bilong em i kamap pinis long dispela wik long kisim awod bilong Kwin olsem Sir.

Opis bilong Onas na

Awods Komiti i save skelim na stretim ol nem pinis na bihain ol i salim i go long Praim Minista we em i oraitim na salim i go long opis bilong Gavana Jenerel.

Long hap, ol i stretim na salim i go long Buckingham Pales (Haus bilong Kwin) long Ingran we Kwin bai oraitim.

Bihain ol i salim ol nem i kam bek long

PNG na i wetim wanem taim bai opis bilong Kwin i makim long yumi tokaut long pablik na givim luk-save awod long ol.

Mista Vuatha i tok Gavana Jenerel i no gat planti toktok tumas long nem bilong ol lain i kam long opis olsem, na pablik i mas klia long dispela na no ken ting no gut long opis bilong Gavana Jenerel.

Mista Vuatha i tok wanem kain komplem o toktok long nem bilong ol manmeri i save kisim awod bilong Kwin i mas go stret long opis bilong Onas na Awod Seketeri we Sir Frederick Reiher em siaman.

Opis ya i gat ol komiti we i makim gavman na ol praivet bisnis, na ol save bung na glasim gut na



Olpela Polis Komisina, Toami Kulunga.

skelim nem bilong ol lain pastaim long ol i salim i go long Praim Minista, na go long opis bilong Gavana Jenerel, na em i salim i go long kwin.

Mista Vuatha i tok wanem samting i kamap long Kot bilong Sir Toami Kulunga em bihain bai ol i salim toksave i go long opis bilong Kwin long Ingran.



Pres Stetmen



Senta bilong Ekselens long Fainensel Inklusen na Maikrofainens Ekspensen Projek i sainim agrimen long mekim wok bilong fainensel edukesen i go moa long 61,000.

POT MOSBI, PAPUA NIUGINI (28 Mei, 2014) – Benk bilong Papua Niugini (PNG), Nesenwaid Maikro Benk na K1 Asosiesen Inc., i sainim patnasip agrimen long strongim tok wanbel bilong givim fainensel edukesen trening i go long 61,000 moa pipel insait long Papua Niugini (PNG).

Mista Benny Popoitai, Deputi Gavana bilong Benk bilong PNG na Siaman bilong Stering Komiti bilong Mikrofainens Ekspensen Projek (MEP), Tony Westaway, Menesing Dairekta bilong Nesenwaid Maikro Benk na Pinjiki Wak, Siaman bilong K1 Asosiesen i sainim ol agrimen insait long Benk of Papua Niugini long Pot Mosbi dispela wik.

Wanpela hap bilong agrimen em i tok, Nesenwaid Maikro Benk, olsem wanpela bilong ol lain i go pas long makrofainens sevis long kantri, bai givim fainensel edukesen trening long 11,000 ol nupela na olpela kastoma bilong ol, aninit long ol brens netwok bilong ol long Buka, Kimbe, Lihir, Bulolo, Wau, Lae, Madang, Wewak, Goroka, Kundiawa, Maun Hagen na Boroko. Ol lain i kisim trening bai i gat sans long opim wanpela seving akaun o mobail fon akaun wantaim Nesenwaid Maikro Benk, long taim trening program i pinis. Dispela bai soim stret kaikai bilong trening ol i kisim.

K1 Asosiesen Inc., wanpela lokal fainensel edukesen kontrak menesmen kampani, bai givim trening i go long 50,000 pipel long Momase, Hailans na Niugini Ailan Rijon aninit wantaim wok patna bilong ol lotu grup, komyuniti grup, NGO na meri grup. Ol lain i kisim trening bai putim nem aninit long patna fainensel institusen bilong Maikrofainens Ekspensen Projek na komesel benk long opim ol seving akaun.

Deputi Gavana Popoitai i tokaut olsem bai i gat wanpela Risk Sea Pasiliti (RSF) o ples bilong autim hevi i kamap aninit long MEP bilong givim sapot long givim dinau mani i go long ol maikro, o liklik na namel sais bisnis sekta long PNG. AFC Konsaltensi Intenesenel, wanpela mani menesmen kampani bilong Germany bai bosim dispela wok na menesim fan.

“RSF bai helpim ol fainensel institusen long mekim wok isi long givim aut dinau mani i go long ol lain i stap long program. Maikrofainens Ekspensen Projek bai helpim moa long 18,000 pipel long kisim helpim long mani bilong kamapim gutpela bisnis aninit long dispela opis.”

Dispela projek (MEP) em i gat 6-pela fainensel edukesen modul (Seving, Baset, Benk Sevis, Menesmen bilong dinau, Toktok long Fainens na Mobail Mani) wantaim ol komyuniti grup. Ol dispela modul bai ol i yusim long fainensel edukesen trening na MEP bai givim trening bilong trena (TOT) na long givim gutpela tingting long ol trening patna bilong en. MEP bai was yet long ol trening i kamap, long wanem ol trening i mas gat gutpela kwaliti na i mas gat gutpela stori bihain. I gat tingting olsem insait long tupela yia, 120,000 pipel bai kisim fainensel edukesen aninit long projek.

Maikrofainens Ekspensen Projek i gat disain bilong kamapim gutpela moa pasin bilong fainensel inklusen long strongim fainensel sekta bilong olgeta PNG. Projek i stap aninit long Papua Niugini na Australia Gavman na Esia Developmen Benk (ADB). Benk bilong Papua Niugini em i go pas long Projek wantaim MaikroSevas wanpela teknikal patna. Senta bilong Ekselens long Fainensel inklusen em i kamap bikipela bodi bilong kodineting wok bilong fainensel Inklusen na fainensel edukesen long PNG.

Sapos yu laik save moa plis yu mas rait i kam long dispela adres:

**Centre for Excellence in Financial Inclusion
Microfinance Expansion Project**
P O Box 1692, Port Moresby, NCD, PNG
Phone: (+675) 321 8823/8854
Email: The Cefi@gmail.com
Visit its website at: 222.thecefi.com

Kot bilong PM suruk go neks wik

I kam long pes 1...

Em i kisim i askim long lukluk long Kot aplikesen we Minista bilong Fainens James Marape i putim long dispela keis bilong Paul Paraka.

Sif bilong Operesen na Deputi Komisina bilong Polis Simon Kauba long wanpela pas i tok Polis bai rispektim interim oda bilong Nesenel kot na bai no inap arestim Praim Minista Peter O'Neill.

Mista Kauba i tok polis bai rispektim kot na bai wet inap kot i harim dispela keis. Tasol Mista Kauba i tok “long gutpela bilong nesenel sekyuriti Praim Minista i no ken westim taim na em i mas kamap long ai bilong polis na givim toktok.”

Long Mande dispela wik Polis i askim Praim Minista O'Neill long go kamap long Polis Het Opis long Konedobu na givim toktok long keis bilong K71.8 milien we Fainens Dipatmen i baim long Paul Paraka Loyas.

Dispela i kamap bihain long Polis Enti Korapsen Division i pinisim wok painimaut insait long komplem bilong Oposisen lida Belden Namah long K71.8 milien gavman i baim long Paul Paraka Loyas.

Mista Namah i putim komplem olsem Praim Minista i givim tok orait long wanpela leta long Fainens na Tresari dipatmen long baim Paraka Loyas.

Tasol Praim Minista long planti taim i tok em i no raitim dispela tok orait pas. Na long nius konprens long tude, Mista O'Neill i strongim tok olsem em i no save long dispela pas. Em i tok sampela lain i raitim na i ol i putim nem na signetsa bilong em antap long pas.

Mista O'Neill i tok gavman i makim pinis wanpela Komisin ov Inkwaeri we wanpela jas bip bilong Australia, Jastis Warwick Andrews bai go pas long en.

Planti manmeri i go kamap long kot haus i mekim ol kain kain toktok bilong ol yet bihain long kot i skruim taim i go long neks wik Trinde Jun 25.



**Yes ol skwad!
Noken lus tingting long baim WANTOK
Niuspepa Tude!
Em niuspepa bilong yumi ol PNG stret!!!
K1 tasol!**

Australia Ami planti Z Spesel Yunit soldia long PNG

TUPELA las bilong ol Z Spesel Yunit soldia husat i bin dai long Kairiru Ailan, Is Sepik Provins, long taim bilong bikpela pait long Wol Woa 2 nau i slip malolo long Bomana Woa Semetri, o matmat bilong ol soldia long Pot Mosbi.

Ol famili bilong tupela soldia, Lens Kopul Spensa Walklate na Praivet Ronald Eagleton i bin stap long taim bilong planim bun bilong tupela las wik, wantaim bikpela luksave bilong ami bilong Australia. Wampela bilong ol memba bilong Z Spesel Yunit las patrol, husat i stap yet, Sapper Edgar "Mick" Dennis MM i bin stap tu long witnesim .

Ol soldia bilong Spesel Air Sevis Rejimen na 1 na 2 Komando Rejimen i holim wampela kaikai bilong haus krai bihain long ol i planim ol dispela soldia.

Ol soldia bilong Japan i bin holim pas na kilim Lens Kopul Walklate na Private Eagleton long taim tu-

pela i bin go olsem wampela 8-man Z spesel yunit patrol long Wol Woa 2.

Ol lain ami bilong Australia i bin ting olsem tupela i bin lus long solwara, tasol wok painimaut bilong ol Australia Ami i bin kamapim olsem tupela i slip long Kairiru Ailan.

Sif bilong Ami, Leftenen Jeneral David Morrison AO, i tok Ami bilong Australia i laik givim luksave long tingim olgeta soldia bilong Australia husat i bin lusim laip long taim bilong bikpela pait.

"Yumi mas no ken lusim tingting long ol lain husat i bin mekim wok pastaim long yumi, na stori bilong ol i stap wantaim yumi nau," Leftenen Jeneral Morrison i tok.

"Tude yumi givim rispek long tupela soldia husat i dai long wok bilong kantri bilong yumi." Em i tok.

"Mipela bai givim rispek olgeta taim long olgeta Australia man na meri husat i pait long kain kain hevi long ol kantri.

Dispela seremoni tude i makim dispela kain tingting mipela i gat long ol lain soldia bilong mipela na ol famili ol i lusim taim ol i dai," em i tok.

Brian Manns, Menesa bilong wok bilong painim ol bodi bilong ol Ami soldia ol i lus long pait, i tok ol i bin wok long planti yia long kamap long dispela taim bilong planim tupela man.

"Mipela i amamas long mekim dispela i kamap gut long ol famili bilong ol i ken go wantaim bel isi." em i tok.

Spesel Yunit bilong Australia Ami bilong painim ol bodi bilong ol soldia i dai long ol bikpela pait, i save mekim bikpela wok painimaut long wok bilong kisim ol bun bilong soldia i kamaut long wanem hap ol i slip long en.

Dispela yunit i wok long mekim wok painimaut bilong 70 moa kain stori olsem long Papua Niugini, Frans, Is Timor na Malaysia.



Ol famili bilong tupela solda bilong Z Spesel Yunit husat i bin dai long woa na lus long Kairiru Ailan i sanap long Bomana Woa Semetri bihain long ol i planim ol bun bilong tupela soldia.



Ekting Komisina Michael Waipo kisim ripot long Sir Makena Geno long ai bilong Asisten Komisina Stephen Pokanis na woklain bilong MG & Associate. Poto: CS Midia Yunit.

CS kisim 2 yia fainensel ripot

Stori kam long CS Midia Yunit

EKTING Koreksenal Sevis (CS) Komisina Michael Waipo, i bin kisim wampela ripot, "Riviu bilong Fainensel na Akaunting infomesen" bilong ol Fainensel Stetmen bilong PNGCS long Disemba 31 2012, 2013 na long Janueri i go Mas 31, 2014, long dispela wik Tunde.

Makena Geno Asosiet, wampela akaunting kampani i bin mekim dispela ripot.

Ekting Komisina Waipo i tok tenkyu long Sir Makena na em i tok, "Em i gutpela pasin long larim dispela kain wok bilong sekim na raitim ripot bilong fainensel i kamap. Bilong wanem em bai helpim mipela long lukluk gut na

save long wanem hap bai PNGCS i mas senisim pasin long kamapim gutpela wok."

"Mipela i mas givim ripot bilong mipela long wok bilong mani i go long Palamen na long ol sentral gavman ejensi," Mista Waipo i tok.

Sir Makena, bilong Makena Geno & Associates i tok, ol akaunting polisi na pasin we Koreksenal Sevi (CS), i bihainim long kamapim ol fainensel stetmen em i bihainim stret ol polisi bilong Pablik Fainensel Menesmen Ekt 1996 wantaim ol narapela wankain Ekt bilong Palamen, ol polisi na ol pasin bilong raitim ol fainensel ripot ol i save yusim long olgeta yia.

Em i bihainim ol ripot stendet na ol bikpela mak bilong

ripot we gavman i tok orait long yusim aninit long Papua Niugini Akaunting Stendet Bod (ASB).

Ekting Komisina Waipo i tok tenkyu long Seketeri bilong Dipatmen bilong Jastis na Atoni Jeneral, Dokta Lawrence Kalinoe long givim nem bilong Sir Makena long mekim dispela wok.

"Mi olsem Sif Akaunting Opisa, mi ting olsem dispela ripot bai helpim mipela long sekim ol fainensel wok bilong mipela na bai mipela i ken bihainim long mekim gut wok," Mista Waipo i tok.

Dispela indipenden riviu i bihainim narapela riviu em Odita Jeneral i bin mekim long ol fainensel bilong CS long stat bilong dispela yia.

Polye, Namah na Kauba askim PM long bungim polis

Stanley Nondol i raitim

MEMBA bilong Kandep, Don Polye, oposisen lida Belden Namah na polisman Simon Kauba i tok Praim Minista i mas rispekim opis bilong praim minista na em i mas volantia long go bungim polis long kes bilong Paraka Loya.

Kauba, Polye na Namah i mekim wanwan stetmen bilong ol i mekim wankain singaut long Mista O'Neill long rispektim wok bilong polis na go long intaview.

Mista polye i tok ol lida i mas i gat rispek long lo bilong kantri na pablik opis ol i lukautim long gutpela bilong ol pipi. Em i tok, nogat wampela man long kantri i stap antap long lo na Praim Minista i mas go harim tok bilong polis na go long intaviu.

Mista Polye i tok pemen i go long Paul Paraka i

kamap taim em i bin stap olsem minista bilong treseri na i tok em i redi long go long intaviu wantaim polis long dispela hevi.

Oposisen lida Belden i tok pawa bilong praim minista i no winim wampela lo bilong kantri. Em i tok ol polis i mekim wok bilong ol aninit long lo na Mista O'Neill i mas kamap long ai bilong ol olsem ol i askim aninit long lo.

Long wankain taim, Mista Namah i singaut long Praim Minista O'Neill long risain na lusim sia bilong praim minista.

Em i tok opis bilong praim minista em bilong pipel bilong kantri na em i bos man bilong mekim lo long palamen haus na i mas rispekim lo olgeta taim, wankain olsem ol sitisen bilong kantri.

Mista Namah i putim dispela komplek long polis na

lukim ol samting i wok long kamap long dispela wik na planti senis i wok long kamap long hetman bilong polis dipatmen.

Simon Kauba, man husat NEC i tokaut olsem ol i rausim em long wok bilong em olsem Sif bilong Operesen na Deputi Komisina tu i singaut long Praim Minista O'Neill long go long Polis Frod Skwad long toktok bilong Paraka Kes.

Mista kauba i tok em long gutpela bilong kantri na tu long gutnem bilong praim minista em yet long em i mas kamap long ai long polis.

Tasol Mista O'Neill i tok polis i no bihainim rot bilong lo long aresim em. Em i tok polis bai aresim wampela man taim em i bikhet na i no kamap long kot. Tasol em i tok em i no bin asua o sakim tok bilong wampela kot na em ol bai arresim em.

NEC rausim Kauba

Stanley Nondol i raitim

GAVMAN bilong Praim Minista O'Neill long aste i rausim Sif bilong Operesen na Deputi Polis Komisina Simon Kauba na makim Jim Andrews long ples bilong em olsem Deputi Komisina.

Mista O'Neill i tokaut long disisen bilong Nesanel Eksektiv Kaunsil (NEC) olsem ol i rausim Kauba bikos em i no bihainim ol toktok bilong gavman.

Mista O'Neill i givim strongpela tok

lukaut long ol wokman bilong gavman dipatmen olsem sapos wampela i no laik harim tok bilong gavman em bai kisim wankain mekim save.

Em i tok ol pablik opisa husat i istap long posisen i mas wok bung wantaim gavman na bihainim ol toktok na i no ken sakim tok bilong gavman.

NEC i rausim Kauba taim kot keis bilong arestim Mista O'Neill i go het long Nesanel kot na Jastis Kariko long

aste i skruim i go long neks wik.

Mista Kauba i bin askim Praim Minista O'Neill long Tude dispela wik, long i go long Polis het opis long Konedobu na polis Frod Skwad long mekim intaviu long keis bilong Paul Paraka.

Mista Kauba i bin askim Praim Minista long em i mas volantia na go bungim polis long gutpela nem bilong em yet bikos em lida bilong kantri.

Mista Kauba i bin go pas long kisim

komplen bilong oposisen lida Belden Namah long las yia long keis bilong Paraka.

Mista O'Neill taim i tokaut long disisen bilong NEC long rausim bilong Kauba i tok em i no bin bihainim kontrol na koman bilong polis na sampela daireksen.

Tasol Mista O'Neill i no tok klia wanem ol daireksen na koman Mista Kauba i brukim long NEC bai rausim em olsem deputi komisina bilong polis.

Westpac helpim ol meri long kisim gutpela skul

WESTPAC benk i redim pinis nominesen bilong ol meri i ken aplai long winim skul fi long raun 5 Westpac Wimens Edukesen Grents program. Dispela program i givim sans long ol meri i ken kisim helpim mani long baim skul fi bilong ol.

Westpac i makim K18,000 edukesen grent insait long Papua Niugini long dispela raun we K6,000 bai go long praimer skul, K6,000 bai go long haikul o sekenderi koles studen na K6,000 bilong ol bikpela koles na yunivesiti level na ol woklain husat laik go bek long skul.

Menesing Dairekta bilong Westpac long PNGG Geoff Toon i tok Westpac i bin givim aut dispela helpim go long ol meri long 2011 long helpim skul fi bilong ol bikos benk i luksave long edukesen bilong ol meri na ol bikpela samting ol ken mekim insait long Pasifik.

"Mipela bilip kantri bilong mipela ken kamap long strong na mak bilong em taim ol meri i gat strongpela lidasip na sans bilong mekim bisnis.

Olsem na mipela bilip edukesen em bikpela samting long meri ken kamapim ol dispela samting we mipela lukim pinis piksa bilong dispela pro-

gram we em wok na bikpela samting we em helpim ol famili na komyuniti bilong ol tu", em tok.

Ol meri husat kisim helpim long edukesen i gat strongpela sans long go insait long wok inap holim strongpela wok bilong ol na go moa.

Olsem na Westpac Wimens Edukesen Grent i givim dispela sapot na helpim. Aplikesen bilong raun 5 i op long 9 Jun 2014 na bai pas long Fraide 11 Julai, 2014 we ol bai tokaut long nem bilong husat meri i win long 28 Julai.

Wanpela askim ol meri mas bekim em;

Wanem em tripela bikpela hevi o wari bilong ol mama na meri yu inap traim long stretim na bilong wanem yu laik mekim olsem?

"Mi askim olgeta mama na meri insait long kantri aplai long dispela Grent. Em bikpela step go fowet long helpim ol yet long kamap long mak na laip ol save laik kamap long en" Mista Toone i tok. Westpac i op insait long 7-pela kantri olsem Papua Niugini, Solomon Ailans, Vanuatu, Fiji, Tonga, Kuk Ailans na Samoa wantaim 50 brens na 100 ATS masin na planti moa.



WESTPAC benk i redim pinis nominesen bilong ol meri i ken aplai long winim skul fi long raun 5 Westpac Wimens Edukesen Grents program.



Westpac Women's Education Grants

Westpac is giving three women the chance to continue their education through the Westpac Women's Education Grants.

There are three Grants available to tertiary students or adult workers who wish to return to study. The successful Grant recipients will each receive K6,000 to contribute towards their education costs.

All local women are encouraged to apply.

What do I need to do?

Simply answer the following question: if you could meet the three most important needs for women and girls, what would these be and why?

Applications close at 5pm Friday 11 July 2014 and must be completed using the official application form.

For more information and an application form, visit your local Westpac branch or www.westpac.com.pg



Things you should know: Please refer to the full terms and conditions on entry prior to applying for the Grant, which is set out on the application form. Westpac Banking Corporation ABN 33 007 457 141. The liability of its members is limited. Westpac is represented in Papua New Guinea by Westpac Bank PNG Limited. WPBW1297 (05/14) 392311_PG

NEC i rausim Tas Fos Swip

Stanley Nondol i raitim

PRAIM Minista Peter O'Neill i tokaut long aste olsem Nesenel Eksektiv Kaunsil (NEC) i rausim ripot bilong Tas Fos Swip we Siaman Sam Koim i mekim wok painimaut long Praim Minista i givim tok orait long gavman i baim Paraka Loya wantaim K71.8 milien.

Mista O'Neill i tok, i gat evidens olsem Tas Fos i no wok indipenden, nogat. Em i luk olsem sampela politisen i raun wantaim siaman, Sam Koim long planti taim.

Dispela disisen bilong NEC i kamap bihain long Sam Koim i givim afidevit bilong em i go long polis long wok painim bilong em long keis bilong Paul Paraka.

Long hap toktok istap long avidevit i tok Praim Minisat ON'Neill i sainim tok orait leta long baim Paraka loya we planti taim Mista O'Neill i save tok em i no sainim leta bilong tok orait.

Dispela afideit i stap



PRAIM Minista Peter O'Neill rausim Tas Fos Swip.

long kot wantaim wok painim ripot bilong Polis long kot bai harim long neks wik Trinde.

Mista O'Neill i tok Tas Fos Swip i mekim wok painim long ol intanet na bilip long media ripot na wanem media ripot na kamapim i no stret na indipenden.

Praim Minista O'Neill i tok kantri nidim indipenden ripot bilong inkwairi na i tokaut olsem wanpela bipo Jas bilong Australia bai mekim wok painim gen long lus bilong K71.8 milien i go long Paraka loya.

Mista O'Neill i tok NEC i givim tok orait pinis na ol bai klostu taim i baim dispelai inkwairi long indipenden wok painim bai kamap.

Mista O'Neill i tok ol wok painim bilong sia-

man Sam Koim na tim bilong em bai go long polis na polis bai kisim wok bilong Tas Fos.

Praim Minista O'Neill wantaim ol kabinet i tokaut long dispela na ol arapela disisen bilong NEC i go long media.

Mista O'Neill i tok gavman i kamapin Komisin of inkwairi ripot long gutpela bilong kantri tasol ol lain i go pas long ripot i wok long pilai politiks na dispela i soim olsem wok painim bilong ol i no stret.

Em i tok Planti taim ol sampela politisen long kantri ol i go lukim Sam Koim long opis bilong em olsem na so wok painim biong Mista Koim i no trupela stret. Em i gat kwesten.

Mista O'Neill i tok Indipenden Komisin Egens Korapsen (ICAC) i redi pinis na bai wokim wok bilong em long mekim ol kain ripot.

Em i tok Sif Seketeri bilong gavman Manasupe Zurenuoc i go pas long ICAC we palamen i kamapim aninit long lo.

OI ACYC Yut holim sariti wokaton na klinaton

Veronica Hatutasi i raitim

MOA long 200 yut na sumatin bilong Katolik Asdaiosis bilong Pot Mosbi i bin mekim wanpela wokaton na klinaton long helpim ol disebel lain long Cheshire Home long Pot Mosbi.
Dispela wokaton na klinaton i bin kamap long las wik Sarere we ol yut i bin statim wokabaut long Jack

Pidik Pak long 5 Mail na pinis long Cheshire Disability Hom long Hoha.
Wokabaut i bin bihainim program bilong Asdaiosis Katolik Yut Komis (ACYC) na ol Dineri yut i bin mekim dispela wokabaut.
Dineri 2 i gat ol yut bilong ol peris olsem Sen Peter Sanel- Erima, Holi Rosari- 6 Mail, Godons na Murray Bareks yut. Ol Katolik skul insait

long Nesenel Kapitel Distrik i bin mekim wokaton long Sande.
Ol Dineri 2 yut i bin go klinim insait na raunim eria bilong Cheshire Disability Senta, na tu, givim kaikai long ol disebel lain long senta.
Ol lain long senta i bin amamas tru long ol yut i go lukim ol, givim ol kaikai na klinim eria blong ol.
Sandra Amuru bilong Sen Peter Sanel peris long Erima i tok dispela

program i gutpela long ol yut bikos em i opim tingting bilong ol long pasin bilong helpim ol tarangu, ol siklain na ol lain i laikim helpim.
Tu, em i helpim ol long bungim wanpela narapela na luksave long ol yet na kamap ol gutpela pren.
Presiden bilong ACYC, Vincent Numbos i bin tok tenkyu long ol yut i bin stap insait long program na mekim wok sariti.

Long makim ol lain long Cheshire Disability Senta, wanpela mama i sindaun long wilsia i bin tok tenkyu long ol yut na autim amamas bilong em long go lukim ol, klinim ples na givim ol kaikai.
Em bin askim ol long raun lukim ol gen long sampela taim bihain bikos ol lain long senta bai amamas tasol.

Bikpela kibung long Buin

Eleanor Maineke i raitim

WANPELA bikpela kibung i bin kamap long namba 17 de bilong mun Jun long Buin Sekendari Skul Asembli Hol.
Dispela bung i bin kamap namel long Sif Sekreteri bilong Bogenvil Administraisen, ol (CEO) Sif Eksekutiv Opisa bilong ol gavman divisen bilong Bogenvil, ol pablik sevan, ol tisa bilong

ol elementari na Praimeri skul insait long Buin distrik, na ol COE (Council of Elders).
Ekting Sif Sekretari, Chris Siriosi i bin amamas tru long lukim bikpela namba bilong ol wok manmeri i kam bung long dispela Kibung.
Em i toktok strong long wok gut na bringim sevis i go long ol pipel.
"Yumi mas mekim isi long ol pipel long kisim sevis, pablik fainens mas stap

long olgeta distrik," Mista Siriosi i tok.
Olgeta CEO tu i bin givim toktok long sait bilong olgeta divisen.
Na long 18 Jun, olgeta eksekutiv menesa insait long 13-pela distrik i sindaun long bung bilong ol long skelimiran bilong wan wan distrik, na helpim wanpela narapela.
Ol manmeri long wanpela bikpela kibung long Buin, Saut Bogenvil.



PNGCS toktok long strongim ICT



Vais Presiden bilong PNGCS i givim liklik toktok bilong em long taim ol i bung.

Isaac Liri i raitim

PAPUA Niugini Kompyuta Sosaiti (PNGCS) em wanpela ogenaiesesen we i save go pas long helpim ol manmeri husat i gat save long Infomesen Komyunikesen Teknoloji (ICT).
Vais Presiden bilong PNGCS, Winifred Amini, i tok dispela ogenaiesesen i bin stat bikos ol save manmeri bilong ICT insait long kantri i bin luksave long gutpela bilong ICT long kantri.
Long dispela wik, PNGCS wantaim bikpela sponsa bilong ol, B Mobile, i bin holim wanpela kibung we ol save manmeri bilong ICT i toktok long ol rot bilong strongim

ICT long kantri.
Mis Amini i tok ol i save kamapim ol dispela kain kibung bikos ol i bilip olsem long ol kibung, ol save manmeri i ken kam bung, na serim planti gutpela tingting long strongim wok ICT.
Siaman bilong B Mobile, Andrew Johnson i tok B Mobile i luksave long gutpela bilong PNGCS, na long dispela as, ol i save sapotim ol.
"PNGCS i gat planti save manmeri, na long dispela as, mipela i save sapotim ol, bikos mipela save olsem ol i ken mekim kamapim senis o developmen bilong ICT," Mista Johnson i tok.

Blut i sot long haus sik

PAPUA Niugini i sot tru long blut i stap long olgeta blut benk.
Nesenel Blut Transfusen Sevis menesa, Dokta Marilyn Mathias i tok, "WHO i tok gutpela mak bilong PNG em ol i mas kisim moa long 140,000 blut yunit long olgeta yia tasol ol blut benk i hat long kisim dispela kain mak. Ol inap tasol long kisim 30,000 na dispela i no inap long nid bilong olgeta haus sik."
Dokta Mathias i givim dispela kain stori piksa i no gutpela tumas long las wik taim ol i bin wok long mekim wanpela kempen long Mosbi wantaim ol woklain bilong Wol Helt Oge-



i nidim long wanpela yia. Olsem na yumi mas bringim mak bilong blut i stap long blut benk i mas go antap moa," em i tok.
201 Wol Blut De bikpela toktok em, 'Seif Blut bilong Sevim ol mama' bikos i gat 12,000 ol mama insait long Westen Pasifik rion we PNG i stap long en, i save dai olgeta yia long taim ol i save lusim bikpela blut long taim bilong karim pikinini. Planti meri i save dai long taim bilong karim bebi bikos ol i lusim bikpela blut. Sapos i gat blut i save redi i stap, planti meri bai i no ken dai.

naisesen (WHO), Red Kros na Pot Mosbi Jeneral Haus sik.
"Dispela em i 20 pesen tasol bilong olgeta blut ol haus sik na pipel

FARM TRACTORS

- Slashers
- Disc Ploughs
- Disc Harrows
- Post Hole Augers
- Trailers

120hp

90hp

70hp

50hp

40hp

*Photos for illustration purposes only

PORT MORESBY: 323 2658 | Digicel: 7215 0333 / 7217 9815
LAE: 472 6324 KOKOPO: 982 8748 | email: machinery@agmark.com.pg

MCPNG i tok polis i bagarapim nius lain

MEDIA Kaunsil bilong Papua Niugini (MCPNG) i mekim strong-pela toktok long daunim pasin nogut sampela polisman i mekim long kemera man na nius ripota bilong EMTV las wik

Seketeriet bilong MCPNG, i makim maus bilong ol memba bilong Midia Kaunsil na i autim wari bilong ol long polisman i bin paitim man bilong kisim poto na nius ripota long 15 Mail Polis Stesin ausait tasol long Pot Mosbi siti. Ripot bilong ol niusman husat i

kisim bagarap i tok olsem ol polis husat i bin mekim dispela pasin ol i bin spak long dispela taim.

“Ol dispela polis husat i mekim dispela, i bin soim rabis pasin, i no gat gupela tinging bilong bihainim lo, na ol i mekim pasin olsem ol liklik mangi, na tu ol i abrusim mak bilong wok bilong ol,” Midia Kaunsil Sekreteriet i tok

“Ol i abrusim mak bilong wok bilong ol long lukautim ol sitisen bilong dispela kantri. Ol niusman i no bin mekim wanpela pasin nogut

long ol polis bai mekim olsem long ol,” MCPNG i tok.

Wanpela nius ripota na wanpela kamera man wantaim draiva bilong ka bilong EMTV i bin go long dispela hap, bihainim wanpela singaut i kam long pablik long go na kisim nius bilong ol polis i mekim save long sampela saspek tabel man i stap long 15 Mail polis stesin.

Tasol taim ol i go na i stat long kisim stori na poto, wanpela polisman i kam ausait long sivilien klos na paitim man bilong kisim poto

long wisket bilong em na i tok long ruasim tep i gat piksa bilong dispela hap.

Narapela polis long yunipom i go long nius ripota na askim long buk bilong em na i brukim ol pes i gat stori em i kisim bilong dispela hap.

MCPNG i tok, dispela kain pasin em i soim olsem ol disiplin fos i kamap biruwa long fridom bilong midia long kantri.

Olgeta lain i mas rispekim wok bilong midia na ol nius lain i mas fri

long mekim wok bilong ol long bringim tok save, tok skul, na amamas long ol pipel na ol i no ken pret long mekim wok bilong ol.

Midia Kaunsil PNG em i ambrela bodi bilong ol bikpela nius kampani insait long kantri. Olsem na em i mekim singaut i go long Polis Komisina, na ol bikman bilong polis long ol i mas mekim wok painimaut long dispela hevi na ol opisa husat i mekim rong i mas kisim mekim save.

Gavman helpim ol sios wokmeri

Bustin Anzu i raitim

MOROBE Provinsel Gavman i givim moa long K200, 000 long sapotim wok bilong sios insait long provins na dispela wok bilong helpim ol sios bai go het yet.

Dispela mani we Gavana Kelly Naru i givim em long Nesenel Lutheran Meri Konperens long Boana, na mani bilong pinisim haus lotu long Gabsongkec, klostu long Nadzab ples balus.

K155, 000 i go long bung bilong ol meri na K50, 000 bilong stretim haus lotu.

Taim em i givim dispela tupela sek i go long tupela sios grup, Gavana Naru i tok wok bilong helpim

sios na kamapim bisnis bilong sios em i bikpela samting we em i mas strongim dispela wok.

Taim ol i mekim olsem, ol bai lukim blesing bilong dispela wok, na em bai strongim bilip bilong ol.

“Mipela i mas strongim wok bilong bisnis bilong God na long dispela, mipela bai lukim blesing bilong dispela wok. Na dispela bai strongim bilip bilong ol. Taim mipela i putim olgeta tingting bilong mipela long bisnis bilong God, bai mipela i lukim kaikai bilong dispela ol wok,” em i tok.

Gavana Naru i givim K100, 000 taim Siaman bilong Kristen Sios Patnasip Program (CCPP) na Presiden bilong Erap/Wain, Charlie



Gavana bilong Morobe, Kelly Naru.

Foike, i putim K50, 000.

Amos Wallace em siaman bilong meri, Yut, Spot na Turis bilong Morobe Provins i givim K5, 000.

Morobe Provinsel Gavman nau i givim K200, 000. Narapela K100,

000 em Gavana Naru i bin givim long taim bilong opim Yana Apo bilding long stat bilong dispela yia. Dispela Haus emCCPP i wok long en.

Ol mama bilong Boana distrik bilong Evanjelikel Lutheran Sios bilong Papua Niugini (ELCPNG) bai kamapim dispela bung long mun Septemba long Boana stesin we 3, 000 meri insait long 17-pela distrik bilong ELCPNG bai soim pes.

Naru i hatim ol lain bilong em long Gabsongkec long ol i mas pinisim dispela haus lotu bilong ol na toksave o givim ripot bek long opis bilong em.

Em i krosim ol long wanem na dispela haus lotu i kisim samting

olsem 23 yia long stretim. Planti helpim ol i kisim tasol bilong wanem na haus lotu ino pinis long taim i kam inap nau.

Gavana i tokim ol olsem taim em i no kamap gavana yet, em i bin givim sampela wankain helpim long nem bilong wokim haus lotu, na ol narapela kampani o manmeri i bin kamap givim wankain sapot bilong dispela haus. Na i nogat sain bilong dispela ol hatwok bilong ol manmeri.

Gavana Naru i tok dispela mani em i bilong Anutu (God) long mekim wok bilong em, na ol i mas yusim gut. Na bihain, givim ripot long opis bilong en long rot ol i yusim mani long wok bilong sios.



MEDIA RELEASE ELC-PNG National Church Council takes an important decision on Lutheran Shipping: Its suffering Business Arm

The National Church Council of the Evangelical Lutheran Church in Papua New Guinea has decided to wind up its business arm Kambang Holding Ltd, while it will preserve, but substantially downsize Lutheran Shipping.

The church will return to its original service orientation in providing passenger transport (with small cargo) services to the remote coastal areas, where many of its (ELCPNG) members are living.

After providing these services already for 70 years, the Lutheran Shipping became a commercial company in 1975 and it flourished in its first 25 years and provided financial support to the church.

Starting in the late nineties, the company failed to renew its fleet and the reliability of its services reduced overtime. As from 2010, the Lutheran Shipping stopped paying its dues for the use of properties and houses and it caused considerable collateral damage (including the loss/transfer of the church's own pension fund).

The ELCPNG from its Church Council decision will now take on two existing passenger ships and operate these on a 'cost recovery' basis. It hopes to be able to purchase a newer ship and is willing to run vessels that are purchased by Members of PNG Parliament without strings attached.

The church pulls out of commercial shipping and does not intend to compete with other companies that provide passenger and cargo services. It will try to serve those remote areas that otherwise will remain unserved.

Last week the Church Council received a report from a committee appointed in its 29th Synod held in January this year to confirm status of the troubled shipping. The report confirmed many serious weaknesses in the operations of the company. Although this particular committee recommended a new board and management for the company, the Council acknowledged that this was the fifth assessment reporting serious management weaknesses. The Council feels these long-term and persisting problems in its business arm distracts the Church from its main mission: living out and witnessing the Gospel. The problems have also caused tensions and conflicts in the Church.

In the event the new shipping services turn out to be sustainable (with good management and governance) and there is need for increased passengers & cargo services, the ELCPNG may incorporate its trading name 'Lutheran Shipping' as a company and respond to this demand based on its established capacity.

By returning to its original 'ministry of service' the church feels it remains present for those who depend on church services.

The ELCPNG Church Council realizes that the downsizing of Lutheran Shipping and the voluntary liquidation of Kambang Holding has painful consequences for its workers. The Church Council acknowledged that crew and workers have waited long for their old ships to be repaired and -more recently - have experienced even irregular payroll payments. The Church will through its liquidator respect all legal entitlements of the staff.

The Church Council calls on the Prime Minister to honour his promised support for this painful, costly and yet constructive move through an interest-free loan facility that the Church will pay back in 5 years.

The Lutheran Church has provided this service for 107 years and has now committed itself to continue this service, be it on a much smaller scale and hopefully at much lower cost.

The Church Council also acknowledged with appreciation the increasing role of the government in setting up coastal (passenger) shipping services. The Church Council considered the offer of the recently established Morobe Coast Shipping Services to cooperate and participate in a Joint Venture.

The Church Council has -after ample considerations- opted to withdraw from the dynamics of business, politics and these complex dynamic commercial activities as it (ELCPNG) is not adequately equipped to perform in that environment.


In another domain -development and management of its assets (land and properties), the ELC-PNG Church Council has taken a series of resolutions and organizational measures that aim at creating a solid and reliable income source for the core budget of the Church.

In that area, the Church will seek partnership with professional companies, while it also resolved not to sell land but participate in the development of properties through the land and (on gradually increasing level) its own capital.

All these measures are part of a change process that the Church is going through. The Church Council directs and guides this change process. The ELCPNG aims to implement in the coming years its 'Vision 2020' which includes revitalizing the Church, strengthening the witnessing of the Gospel and is based on a strong commitment to holistic mission and Diakonia.


Right Reverend Giegere Wenger
ELCPNG Head Bishop

Witnessed By:


Rev. Zau Rapa
ELCPNG Assisting Bishop


Albert Tokave
ELCPNG General Secretary


Noreo Keindip
Church Treasurer & Acting Finance Secretary



EVANGELICAL LUTHERAN CHURCH OF PAPUA NEW GUINEA The General Secretary

Rt. Rev. Giegere Wenger, Head Bishop


KAMBANG HOLDINGS LIMITED

SPECIAL RESOLUTION OF THE SHAREHOLDER

In accordance with the provisions of the Companies Act 1997, section 103 (L) and (2), it was:

RESOLVED that in accordance with the provisions of section 291 (2)(a) of the Companies Act 1997, the Company be placed in liquidation by the appointment of David George Guinn, registered liquidator as liquidator with effect from May 26th 2014

Signed by the nominees of the shareholder
EVANGELICAL LUTHERAN CHURCH OF PAPUA NEW GUINEA INC.



Nominee
Albert Tokave
General Church Secretary
Dated this 24th day of May 2014
Head Office: P.O. Box 80, Lae, 41 I, Papua New Guinea



Nominee
Noreo Keindip
Treasurer

YAH helpim Kensa Faundesen wantaim moning ti



Jubilee Katolik Sekendri sumatin, Julius Uvia na Nancy Kamara i stap long 'bikpela moning ti' YAH klab i redim long las wik. Poto: Alex Tanabi (YAH klab)

PNG Kensa Faundesen i wok long kism moa sapot long komyuniti bilong NCD, stat long taim ol i bin lonsim 'bikpela moning ti' na ol Yut Adolesens Helt (YAH) Klab tu i kam insait long sapotim dispela.

Long Sarere las wik, YAH Klab i holim dispela "bikpela moning ti" long kamapim sampela mani long helpim wok bilong PNG Kensa Faundesen. Ol i holim dispela kibung long YWCA opis long Bisini Draiv, NCD.

Pablik Rilesens Dairekta bilong YAH Klab, David Aoneka-Rupa i tok, ol i laikim PNG Kensa Faundesens bai mekim wok bilong risets long painim ol marasin na ol gutpela masin bilong helpim ol pipel husat i kism

sik kensa long PNG wantaim mani ol i kamapim.

"Olgeta lain i mas save olsem dispela sik kensa i no save kamap long ol mani lain tasol, nogat. Em i ken bagarapim olgeta lain," em i tok.

"I gat planti kain kain sik kensa i stap tasol long PNG em yumi save long ol sampela tasol olsem kensa long maus" Mista Aneka-Rupa i tok.

Em i tok, ol i laikim ol yangpela i mas save olsem kensa i no kam long pilai long ol. Ol i no ken mekim fani long ol narapela yangpela husat i laik putim ol marasin long pes long stopim san long kukim ol bikos ol i no gat strongpela skil na stopim bagarap i ken

kamap long taim san i hatim ol.

Kodineta bilong YAH, Sam Maila i tok ol i kamapim dispela moning ti long mekim ol yangpela long luk-save olsem kensa em i wanpela sik i save kamap long kain ol kaikai na pasin bilong laip stail ol pipel i save mekim nau na em i save kilim planti lain tu.

Mista Maila i tok tu olsem YAH i save singautim ol lain i save long helt long kam toktok long ol yangpela tasol planti i no save kamap.

Bikpela Moning Ti em i wanpela we PNG Kensa Faundesens i bin kamap wantaim long ol komyuniti i ken mekim samting long bringim planti lain i kam long harim toktok bilong sik

kensa na tu long kamapim mani bilong mekim wok risets bilong en.

Ol YAH klab i bin plen long holim long Nesanel Laibreri long Waigani insait long Amerika Kona tasol bihain ol i senis na holim long YWCA opis long Bisini.

Planti bilong ol lain i kamap em ol sumatin bilong ol sekenderi skul insait long Nesanel Kepital Distrik yet husat i memba long YAH klab.

Ol i yusim ol samting bilong ol yet na ol i givim taim bilong ol yet long mekim dispela kibung i kamap gutpela tru.

YAH klab i gat nesanel opis bilong ol insait long opis bilong YWCA aninit long Adolesens Riprodaktiv Seksual Helt Projek.

Ol man i save kamapim hevi long famili

"AS bilong ol hevi bilong famili em long pasin bilong man i save paul na i no save wari long meri na pikinini, na ol meri i les pinis long dispela," Sail o Pikinini Proteksen Opisa bilong Katolik Asdaiosis long Madang, Schola Bogg i tok.

Misis Bogg i toktok long wanpela ripot bilong em long wanem as na ol meri long ol ruel ples i laik long kism ol marasin na narapela samting bilong stopim ol long karim pikinini.

"Taim ol meri i harim wanpela lain i tok long spesim pikinini, ol i save ran i go long ol. Ol man bilong ol i save laik long slip wantaim ol na kamapim pikinini, tasol ol i no save helpim ol long lukautim na givim kaikai long ol pikinini i gro na kamap bikpela," Misis Bogg i tok.

Josephine Ilave, HIV/AIDS Kodineta bilong Asdaiosis long Madang i tok olsem 60 pesen bilong ol meri long Not Kos bilong Madang na Karkar Ailan i redi pinis long kism ol marasin na narapela samting bilong stopim pikinini.

"Mipela i tok tru olsem pasin bilong bihainim mun long spesim na stopim pikinini long ol meri i no save wok wantaim ol man bilong meri husat i no gat gutpela tingting na wari long ol meri bilong ol. Dispela stail em i nidim man na meri wantaim long wanbel na bihainim na bai em i ken karim gutpela kaikai," Misi Ilave i tok.

Madang Katolik Pastoral woka grup i bin wokim wanpela risets long painim aut long wanem kain wok i kamap long nupela we gavman i wokim long stopim ol meri long karim pikinini, we ol i bin givim kontrak long Marie Stopes Intenesenel long mekim.

"Ating Memba bilong Palamen, Ken Fairweather i lukim populesen bilong Karkar Ailan i wok long go bikpela na em i hariap tasol opim dua long kism dispela kain pasin bilong pasim bel i kam insait."

Tasol taim ol woklain bilong daiosis i askim sampela meri long ol ples, ol i painimaut olsem i gat sampela hevi i wok long kamap long dispela nupela stail bilong kontraseptiv long putim gumi aninit long skin long han bilong ol (implen). I no gat gutpela toksave namel long man na meri long kism dispela samting, sikkun taim bilong meri i senis o ol i lukim bikpela blut tumas long taim ol i kism sik mun, bikpela pen long as bilong bel, na skin les long mekim wok long haus.

Pastoral tim i lukim tu olsem i no ol marit meri tasol wantaim pikinini i wok long kism dispela impen, nogat, ol yangpela skul gel tu. Bilong wanem na dispela i kamap?

"Ol i les long raitim bekim bilong dispela askim," tim i tok.

"Ating ol meri ya i save lukim ol man i bagarapim

ol o i laik bagarapim ol? O ating ol i lukim olsem em i gutpela long stopim ol long kism bel tasol?"

Ripot i tok ol lain i bringim ol kondom na ol narapela rot bilong pasim bel i no laik long harim olsem pasin pamuk i kamap bikpela wantaim ol dispela samting.

"Tasol em i ken bringim bagarap! Em i olsem strongpela hos i karim ol binating no gut i save kamap long pasin pamuk wankain olsem HIV/AIDS," Ol pastoral tim memba i tok.

"Schola Bogg i raitim long ripot bilong em olsem ol yangpela meri i save laik long amamas wantaim ol 'suga dadi' o ol bikpela na maniman." "Kontraseptiv i stopim ol meri long kism bel tasol em i no inap long stopim binatang bilong sik."

Ol meri long ruel eria i stap long hap we i no gat planti samting na ol helt sevis i no gutpela tu. Olsem na gavman i painim isi tru long bringim kain ol samting bilong stopim pikinini we i bagarapim lukluk bilong ol meri long komyuniti.

Dispela kain pasin bilong stopim pikinini i stap bikpela long ol taun setelmen we ol lain i no gat planti mani na tu long ol ruel eria we ol meri i no kism gut skul na i no gat we long kism mani i stap.

Wanpela man bilong mekim wok painimaut o risetsa i tok stret long pasin bilong stopim pikinini olsem, "Yu ken kolim wanem kain nem yu laik, tasol mi tok em i wanpela bikpela we bilong stopim ol lain i no gat mani long ol i no ken karim pikinini olgeta."

Ol sios i gat bikpela wok long skulim ol pipel long senisim pasin na tingting bilong ol, bihainim ol senis i wok long kamap long skul na helt sevis na we ol wok bilong kism mani i stap bilong ol lain husat i laikim senisim sindaun bilong ol i stap.

Nogat, bai ol man i stap yet olsem ol bikpela bos long ol meri na mekim ol meri olsem ol i samting nating; o no gat em ol lain i gat moa mani long Palamen, gavman na intenesenel ejensi bai wok long daunim yet ol lain i no gat mani.



Boroko Motors i helpim komyuniti long Pot Mosbi wantaim wanpela lenrova trak embulens. Man i makim Boroko Motors, James Miles i givim ki bilong kar long Mollen Molki bilong St. John Ambulance long 3 Jun 2013.

****Wantok i ranim dispela piksa long las wik pepa tasol mipela i bin tok Boroko Motors i givim "Toyota len krusa" tasol nogat, em i wanpela lenrova. Wantok i tok sori tru long dispela.**

OI UN bos bai lukluk raun long PNG

YUNAITET Nesens (UN) Asisten Seketeri Jeneral na Deputi Eksekutiv Dairekta bilong UNICEF, Yoka Brandt bai kam raun long PNG long dispela wik.

U.N opis long Pot Mosbi i tok em i namba wan taim bilong Mis Brandt i kam lng PNG na Rijinol Dairekta bilong UNICEF, Dokta Isiye Ndombi. Dokta Isiye Ndombi bin stap olsem PNG Kantri Representativ bilong UNICEF pastaim, long yia 2005 i go long 2006.

Mis Brandt bai bung wantaim ol bikipela gavman opisa, ol developmen patna na ol pravit sekta long Pot Mosbi, long kisim moa save long wanem kain ol nid i

stap long developmen na long ol program bilong UNICEF insait long kantri. Em bai toktok long wanem kain rot bai UNICEF i ken wok wantaim PNG gavman long ol program ol i ranim long kantri.

"Mipela i amamas long kisim dispela bikipela meri i kam. Em i bikipela samting long Mis Brandt bai stap 4-pela de na em bai i gat planti taim long toktok wantaim gavman long ol bikipela developmen program bilong nesen. Em bai tok strong yet wok bilong UNICEF long helpim kantri long mekim ol wok bilong Milenium Developmen Gol (MDG), nesenel prairiti na long helpim kantri long kisim mak bilong Milenium

Developmen Gol (MDG)," UNICEF kantri representative, Baba Danbappa i tok.

Mista Danbappa i tok, kam bilong Mis Brandt i tokaut tu long bikipela wok bilong gavman na li-dasip bilong en long wanem samting bai kamap bihain long 2015 MDG developmen agenda, wok bilong givim fri eduksen, fri na besik helt sevis na long gavman bai putim moa mani long ol program bilong helpim ol pikinini.

Em bai sans tru long gavman i ken soim wanem kain wok ol i mekim pinis long kamapim gutpela developmen program bilong helpim ol pikinini long kantri na tu long apim luksave bilong ol hevi

long singaut long helpim long wol.

"Papua Niugini em i wanpela memba bilong UNICEF Eksekutiv Bod long Niu Yok.

Dispela ples i givim gutpela sans long PNG i ken singaut long helpim long ol developmen bilong ol program bilong pikinini long olgeta lain long wol bai luksave," Mista Danbappa i tok.

Mis Brandt bai stap long sapotim nesenel kempein long stopim na pinisim pasin bilong paitim na bagarapim ol pikinini, na tu em bai go lukluk raun long Pot Mosbi Jeneral Haus sik.

Em bai go lukluk long ol program bilong UNICEF long Goroka, Isten Hailans Provins tu.



Yut, Meri na Famili

Pastor Barbara Lunge

PNG i kamap kingdom kantri

PNG i bai kamap namba wan kantri long wol olsem kingdom kantri bilong God.

Kingdom em i olsem king i bosim kantri na bai em i lukautim ol pipel na ol pipel bai harim tok bilong em tasol. Dispela king em i Bikipela Jisas Kraiss, man bilong kisim bek yumi.

"Profet Aisaia i tok long dispela insait long sapta 9, lain 6 i go long 7.

Spika bilong Nesenel Palamen bilong yumi i mekim bikipela wok bilong rausim ol aidol long palamen. Na bihain em i tokaut long visen bilong em olsem Tok bilong God bai kamap as bilong mama lo. Bikipela tingting na laik bilong em i bilong bringim senis, na kamapim nupela lukluk na rot bilong kantri.

Long taim bilong propet tim i kam long Amerika ol wokman bilong bodi bilong kraiss long kantri i pasim tok olsem ol bai sanap wantaim spika long pinisim dispela projek na lukim kingdom bilong God i kam long nesen bilong yumi. Samting stilman i kisim bai i kam bek long han bilong ol Kristen. Planti gutpela samting God bai mekim long spirit na long bodi tu. Na bai gat senis long ikonomi, politik, lotu na sosel sistem. Blesing bilong spirit na bodi bai ran wantaim.

Bikipela spirit i save bosim skai em i lus pinis na nau heven i op antap long PNG. Bodi bilong Kraiss i mas wok bung wantaim. Ol i mas kamapim ol prea network long ol provins. Ol wokman i mas stat long yusim ol wok bilong spirit ol i gat long bodi bilong Kraiss long yusim ol presen bilong Holi Spirit long redim gut meri bilong Kraiss em sios bilong God.

"Long sampela man em i givim wok aposel. Na long sampela em i givim wok profet. Na long sampela em i givim wok bilong autim gutnius long ol manmeri. Na long sampela em i givim wok pasto na wok bilong skulim ol manmeri long ol pasin God i laikim. Kraiss i givim ol dispela presen bilong helpim yumi manmeri bilong God bai yumi inap long mekim gutpela wok bilong em. Olsem na bai bodi bilong Kraiss i ken kamap strong na i stap gut. Na dispela wok bai i go i go inap long yumi bilip tu na dispela i mekim yumi i stap wanbel tru, na yumi olgeta i save tru long Pikinini Bilong God. Olsem na Kristen laip bilong yumi bai i kamap strong na yumi bai kisim ol wankain gutpela pasin olsem Kraiss yet..." Efesus 4: 11-16.

Wan wan bilip man i mas givim olgeta laip bilong em long God na mekim wok bilong yu long kamapim gutpela paradais long PNG olsem heven i kamdaun long graun. 1 Pita 2:9

Sapos yu laik toktok moa o yu nidim prea, yu ken rait long: Evangelis, Barbara Lunge, ROGIM, P.O. Box 3063. Boroko. NCD. PNG, o ring long 7099 5378.

Famili Proteksen Ekt i redi nau long ran

OL lain husat i save mekim wok bilong kamapim Famili Proteksen Ekt o lo i kirapim wok pinis long redi long mekim wok aninit bihainim dispela ekt.

Wanpela woksap i bin kamap long Pot Mosbi long kisim tingting bilong ol stekholda na ol tingting bilong ol bai helpim long kamapim ol liklik lo long wanem kain we bai ol lain i ken bihainim dispela Famili Proteksen Ekt.

Dispela woksap i bin stat long



Mista Jack Kariko.

Jun 10 na pinis long Jun 13 we ol woklain bilong Dipatmen bilong Jastis na Atoni Jeneral, Mejisteriel Sevis, Royol PNG Konstebuleri, Koalisen long Senis, PNG Australia Lo na Jastis Program (PALJP), Non Gavman na ol sios i bin bung long en. .

Deputi Sekreteri bilong Ligel na Jastis Edministresen bilong Jastis na Atoni Jeneral dipatmen, Jack Kariko i bin opim dispela

konsaltesen woksap long 11 Jun.

Mista Kariko i tok, em i gutpela tru long lukim olsem olgeta stekholda i laik bung long pasim toktok. Em i soim olsem ol pipel i stat long luksave olsem Famili Proteksen Ekt em i bikipela samting na olgeta i gat wan wan wok bilong ol long mekim wok aninit long dispela ekt.

"Em i bikipela samting long ol stekholda i wok bung na toktok wantaim. Olgeta lain i mas kisim kliia tingting long olgeta hap bilong brukim lo bilong Famili Proteksen Ekt na luksave gut na lukave long taim ol man i brukim ol lo," Mista Kariko i tok.

"Ol stekholda i mas go het yet long givim sapot long dispela wok," Mista Kariko i tok.

"Dipatmen i stap sambai long helpim long wanem kain rot mipela inap long helpim long wok bilong dispela ekt bai i kamap tru," em i tok.

Long Mas 2014 Familii Proteksen Ekt i kisim luksave bilong em long gavman olsem na em i givim strong long domestik vailens ol pasin bilong paitim na bagarapim meri insait long haus olsem wanpela pasin nogut bilong brukim lo na man husat i mekim dispela bai i ken go long kot na kalabus.

Em i givim nau strong long ol interim Proteksen Oda bilong ol Distrik Kot, na bai helpim long stretim sampela ol bikipela sosel problem na salens olsem domestik vailens long ol meri na bagarapim meri na pikinini.

"Koalisen bilong Senis i mekim bikipela wok long tokaut dispela reviu na senis long famili proteksen i mas kamap long lukluk long ol rot bilong famili proteksen wok long kantri," Mista Kariko i tok.

Em i tok olsem Royol PNG Konstebuleri i sapotim gut tru ol wok bilong Dipatmen bilong Jastis na Atoni Jeneral na ol narapela stekholda long strongim wok bilong Famili Proteksen Ekt gut.

Em i tok tu olsem ol sios, Faith Bes Ogenaisesen na Non-Gavman Ogenaisesen i givim bikipela helpim long wok bilong kamapim na bihainim Famili Proteksen Ekt.

Mista Kariko i tok tenkyu long ol AusAID, na PALJP long i go pas long luksave na kamapim ol hevi bilong domestik vailens na famili seksual vailens na traim long stretim.



DEPARTMENT OF EDUCATION

EXPRESSION OF INTEREST TO CONDUCT AUDITS OF SCHOOLS ACCOUNTS

The Department of Education has disbursed over K1.6billion directly to elementary, primary, secondary, FODE, Special Education and approved permitted schools over the last three years under the National Government Tuition Fee Free Policy. A fixed number of schools will be audited each year, starting 2014 to ensure accountability and good governance and ultimately improve quality education.

Registered audit firms are requested to submit their Expression of Interest (EOI) submissions to the Department of Education. Include in each EOI, the company's profile, capacity to audit schools accounts, and your strategy to undertake such audits across Papua New Guinea.

Closing date for EOI is 30th June, 2014.

EOI can be forwarded by hand or express mail to:

Secretary for Education
PO Box 446
WAIGANI
National Capital District

Attention: Chairman TFF Committee

For further information, contact: Assistant Secretary, Procurement on telephone: 301 3369, or email: stewart_sikaras@education.gov.pg

Authorised by:

DR MICHAEL F. TAPO, EdD
SECRETARY FOR EDUCATION



Ol pipia long 2011 sunami long Miyagi ol i bilip i bin go kamap tu long dispela Great Pacific Garbage Patch (Foto: AFP)

PNG PM Peter O'Neill i rausim Atoni Jenerel

Praim Minista Peter O'Neill i bin rausim Atoni Jeneral, Kerenga Kua.

Hevi bilong politiks long kantri i wok long go het moa bihain long Praim Minista Peter O'Neill i rausim Atoni Jenerel Kerenga Kua.

Long Tunde, gavman i tokaut olsem Ano Pala i nupela Atoni Jeneral na Minista bilong Jastis na i kisim ples bilong Mista Kua.

Mista O'Neill i tok em i rausim Mista Kua long wanem Kua i no wanbel long laik bilong gavman long senisim mama lo o konstitusen bilong kantri na stopim vot bilong no konfidens, o vot i no gat bilip long gavman.

Mista O'Neill i tok long Jun 12, Mista Kua i bin salim pas i go long praim minista na i tok olsem em i no wanbel long plen bilong gavman long mekim senis long seksen 145 bilong konstitusen. Mista O'Neill i tok dispela i nogut long wok bung bilong kabinet na gavman.

Em i tok em i sori long wokim dispela disisen, tasol em i tok em i mas wokim olsem long strongim gavman.

Em i tok tenkyu long Mista Kua na dipatmen bilong em long kamapim planti impoten lo bilong kantri.

Mista O'Neill i rausim Mista Kua wanpela de bihain long ol i pinisim polis komisina Tom Kulunga.

O'Neill i tok ol polis na kot i stap insait long politik.

Pasin gavman i senisim atoni jeneral bilong PNG i kamap long de Mista O'Neill i tokaut long wanpela Komisn bilong Inkwari long wanpela korapsen sas we i lukim ol i givimaut wanpela waren oda bilong arestim em.

Mista O'Neill i tok ol polis, kot na gavman dipatmen i stap insait long wok politik long dispela wok bilong arestim em.

Em i tok ol i respektim ol kot, tasol i gat sampela pepel long kot sistem we i stap insait long wok politik. Em i sutim tok tu long sampela senia opisa na ol arapela opisa insait long polis fos long mekim wok politik.

Mista O'Neill i tok ol i nidim wanpela independen rot bilong klinim aut dispela kain pasin.

Long Mande ol i givimaut wanpela waren o oda blong arestim Mista O'Neill na ol kot bai sindaun long harim wanpela askim bilong ol loya bilong Mista O'Neill long no ken bihainim dispela waren oda.

SWF i mas gat gutpela manesmen sistem

Gutpela manesmen sistim i namba wan samting long kamapim wanpela Sovereign Wealth Fund bilong lukautim ol mani i kam long LNG projek

bilong yusim long taim bihain.

Wesley Manuai, ABC niusman long Pot Mosbi i tok strongpela toktok we i bin kamap long wanpela bung bilong toktok long ikonimi, em PNG i mas manesim gut ol mani i kam long LNG projek long kantri.

Ol saveman bilong ikonimi i bin toktok long dispela long PNG Economic Update we Yunivesiti bilong Papua Niugini na Australian National University i bin go pas long en.

Dispela bung i harim olsem, ol politisen i no ken kontrolim dispela Sovereign Wealth Fund gavman i laik kirapim bilong lukautim sampela mani bilong LNG projek.

Ol i tok tu olsem gutpela manesmen sistem i mas stap long stopim ol kain kain stil na pasin bilong korapsen i no ken bagarapim dispela fan.

Dispela bung i harim tu olsem olgeta kain kain fan olsem ol i bin kirapim long bipo, ol i no karim kaikai long wanem ol i no manesim gut na i ol politisen i subim nus i go insait na pasin bilong korapsen i bin bagarapim ol.

Ol pis i kaikaim plastik

Ol risets lain i wok long redi nau long go long dispela bikpela hap solwara we ol plastik na kain kain pipia i bung long en long Not Pasifik Osen. Ol i ting em i samting olsem 700,000 skwe kilomita long bikpela bilong en.

Ol pipia long 2011 sunami long Miyagi ol i bilip i bin go kamap tu long dispela Great Pacific Garbage Patch.

Ripot i kam long AFP i tok ol risetsa bai go mekim wok painimaut long dispela 'Great Pacific Garbage Patch' long wanpela mun.

Dispela ples we pipia i bung long en i gat nem 'Pacific Trash Vortex', na Kepten Charles Moore i lukim pastaim long 1988 klostu long dispela Algalita Marine Research Institute long Kalifonia long Amerika.

I kam inap nau, dispela ples bilong pipia i kamap bikpela na nau em i samting olsem 700,000 skwe kilomita.

Kepten Moore i tokim Pacific Beat olsem dispela hap eria i no liklik samting.

Em i tok bai ol i go glasim gut na tok save long wol wanem tru nau i stap long hap.

Kepten Moore i tok em i ting olsem ol dispela pipia i kilim dai planti moa long ol samting i stap insait long solwara, i winim ol bagarap klaimet senis i kamapim.

Em i tok ol kain kain samting long solwara i wok long kaikaim ol dispela pipia na i luk olsem olgeta samting insait long solwara i wok long kaikaim ol plastik.

Em i tok wanpela long tupela pis ol i kisim long hap i gat ol plastik insait long bel bilong ol. Ol kompiuta wok ol i soim olsem olgeta pipia long dispela 2011 sunami i go bung wantaim tu long dispela bikpela eria bilong ol pipia.

Ol poto nius



BOGENVIL DE: Hap long Bogenvil komyuniti long Mosbi husat i bin selebretim de bilong ol long Gordons Sekonderi skul long Mosbi long las wiken, Sarere Jun 14, 2014. Poto: Isaac Liri



NAIP DANIS: Ol lain i soim stail danis bilong ol wantaim naip long amamasim Bogenvil De selebren las Sarere long Mosbi. Poto: Isaac Liri



MARAWAKA: Praim Mnista, Peter O'Neill i givim K1 milien sekmani bilong ol projek long Marawaka Distrik long Isten Hailans i go long Distrik Edministreta, Erino Kaso, long las wik. Poto: PM Midia

No ken westim taim na mani long Komisnin ov Inkwairi

Yumi kamap nau long namel bilong dispela yia 2014 na planti bikpela samting i kamap long kantri, sampela i gutpela sampela i no gutpela tumas. Long las mun, kantri i salim namba wan LNG ges i go aut na bikpela mani tru i kam insait.

Planti bikpela developmen wok i kamap long ol Mosbi yet na long sampela provins bilong kantri. Ol pikinini i kisim fri edukesen na ol liklik bisnis manmeri i amamas long dispela SME program bilong gavman long strongim bisnis bilong ol. Dispela em sampela gutpela samting i givim sans long PNG long kamapim moa developmen na skruim gutpela wok i go long olgeta kona bilong kantri.

Tasol ol dispela gutpela wok bai i wara nating sapos yumi larim politikis i bagarapim gutpela sindaun bilong bihain taim. Olsem yumi tok pinis, i no gat wanpela trupela toktok i save kamap long politikis. Husat i pren bilong yu tude bai i birua bilong yu tumora. Na long PNG dispela hap tok i trupela tok.

Tude yumi lukim kaikai bilong gridi pasin na pasin bilong paitim bros i kamap ples kliia. Long ol kibung bilong Palamen, ol senis i kamap long ol lo na konstitusen i soim ples kliia olsem ol dispela senis i no bilong helpim ol pipel bilong kantri, senis i bilong strongim tasol gavman long holim wok inap long taim bilong narapela nesenel ileksen. Bikos Oposisen i no gat inap memba, gavman i save win na kamapim wanem samting em i laik mekim, maski sapos i no stret tumas na inap bagarapim demokrasi na sindaun bilong pipel long bihain taim.

Orait, i gat askim i stap tu long



ol memba i kalap lusim politikal pati bilong ol na i laik go joinim narapela pati. Ol i bihainim lo na mekim olsem o ol i mekim nating

long laik? Na inap tupela wik nau toktok i kamap long senisim seksen bilong konstituesen o mama lo na larim gavman i stap inap long

na givim ripot long en. Ol kain samting olsen senisim Maining Ekt long givim moa luksave i go long

narapela ileksen.

Wanpela gavman minista i bin egensim dispela tingting na Praim Minista i rausim em long wok. Em i holim wok olsem namba wan loya bilong gavman na sapos em i egensim tingting bilong gavman, ating em i wanpela memba bilong kabinet husat i mekim trupela wok. Em i tingting long gutpela sindaun bilong PNG long bihain taim olsem na em i no sapotim dispela senis gavman i laik mekim long Seksen 145 bilong Konstitusen.

Gavman i tokaut tu olsem bai gat wanpela Komisen ov Inkwairi i kamap long ripot we i tok gavman i givim tok orait long baim K71.8 milien i go long wanpela lo kampani. Praim Minista i laik klaim nem bilong em olsem na em i tok long kamapim dispela Komisen ov Inkwairi. Em i tok sampela lain i giaman na raitim nem bilong em long pas i givim tok orait long baim dispela mani.

Watpo bai kantri i lusim bikpela mani long wanpela Komisen ov Inkwairi long klaim nem bilong praime minista? I gat ol narapela bikpela samting i nidim Komisen ov Inkwairi long glasim

ol papagraun. Minista bilong Maining i laik bringim ripot i go long Palamen nau long givim tok orait long senisim sampela hap bilong dispela lo. Em i bikpela samting tru long ikononi bilong kantri na i mas gat moa toktok i kam long ol pablik, ol papagraun na ol maining kampani tu bipo long Palamen i senisim lo i lukautim bisnis bilong maining long PNG. Ol papagraun i gat gutpela as long askim gavman long senisim lo. Ol kampani i gat gutpela as long stap insait long toktok, na ol pablik tu i mas gat sans long autim tingting bilong ol. Sapos i gat Inkwairi i kamap long ol kain samting olsem bai i gutpela, na i kisim sapot bilong pipel, bikos em i samting bilong helpim gutpela sindaun bilong kantri long bihain taim.

Tasol dispela inkwairi em gavman i tokaut nau long kamapim i no gat gutpela as bilong en. Em bai westim taim na mani bilong kantri. Bai ol pipel i save olsem wanem Praim Minista na gavman bilong em bai larim ol samting dispela Komisen ov Inkwairi i painimaut i kamap ples kliia na ol pablik i ken lukim tu?

Mipela i askim bikos PNG i gat rekot nau we sapos gavman i pret long ol toktok i stap long ripot bilong ol Komisen ov Inkwairi, bai ol loya bilong en i kamap long kot na kisim kot oda long stopim ol pablik i save long ol samting Inkwairi i painimaut.

Planti ripot bilong ol Komisen ov Inkwairi i pas i stap long kot bikos gavman i no laik ol pablik i save long ol pekato bilong en. I no gat mining bilong spendim bikpela mani na taim long kamapim Inkwairi sapos ripot bilong en i no inap kamap ples kliia.

Pinis pe i save hat tru long kisim

GAVMAN i mas kamapim opis bilong ol pablik sevan manmeri husat i pinis long wok na laik kisim malolo (ritrens). Dispela opis bai lukautim na ranim stret ol hevi na wari bilong ol pablik sevan bilong olgeta dipatmen husat i winim taim na i laik kisim ritrens o malolo. Nau yet yumi lukim na harim planti hevi na wari ol pablik sevan bilong yumi i wok long wetim pinis pe bilong ol long go bek long asples bilong ol. Ol i wet longpela taim tru winim tripela na 5-pela krismas olgeta. Sampela taim ol i painim sik na dai namel na i no amamasim hatwok bilong ol.

Em belhat pasin tru yumi mekim long ol pipel bilong yumi yet we yumi inap sori long ol na stretim pinis pe bilong ol gut, na ol ken go wantaim amamas na sindaun malolo long asples bilong ol.



Planti wok long wetim yet pinis pe bai kam long dipatmen bilong ol olsem ami, polis, CIS, tisa, helt na arapela moa.

Olsem na i moabeta gavman i kamapim opis bilong ritrensmen yet na i mas gat baset bilong em olgeta yia. Wan wan dipatmen o gavman opis i ken salim nem na ol pepa husat opisa i laik pinis i go long dispela opis stret long stretim nem na rekot, na baim ol pinis pe bilong ol.

Olgeta yia nesenel gavman i mas putim long nesenel baset bilong kantri ritrensmen mani i go stret long dispela opis. Na ol i no ken go kam long opis o dipatmen ol bin wok long en 20

na 30 krismas i go pinis.

Ol opisa o pablik sevan i mas pulapim pinis pepa o ritrensmen pepa bilong ol wanpela yia go pas. Na dipatmen bilong ol i ken salim i go pas long dispela ritrensmen opis long stretim ol pepa na pe bilong ol. Taim ol i makim long pinis i kamap orait ol i ken tok gutbai long ol wanwok bilong ol na wokabout isi tasol wantaim family bilong ol i go long ples.

Yumi no nupela long hevi na hatwok ol tarangu lain bilong yumi i wok long karim long i go na i kam long Mosbi long kisim pinis pe bilong ol. Planti i lusim ples na kam bek stap wantaim ol wantok na famili long Mosbi na wokabout i go na i kam long gavman opis long sekim pe bilong ol. Ol i hangre, no gat bas fe, no gat mani na ol dinauna kain kain hevi ol bungim. Sori tru long ol.

Dispela lain i bin sevim gut kantri bilong yumi olsem pablik sevan long wok bilong

ol planti yia i kam na strong i pinis o ol i kamap lapun na ol i laik malolo nau.

Yumi harim na ritim tu sampela i go kam long kisim mani bilong ol na dai long namel. Ol i lusim meri pikinini na bubu stap na ol kisim bikpela hevi na hat taim moa.

Moabeta ol memba bilong yumi long haus palamen i mas lukluk klostu tru long dispela hevi na stretim rot bilong ol tarangu opisa bilong yumi. Yumi mas mekim gut long ol pipel bilong yumi. Palamen em ples bilong mekim kamap kain lo na senis olsem bilong sevim yumi olsem na ol lida i mas lukluk long dispela na stretim.

Pipel bai amamas tru sapos palamen ken kamapim gutpela senis nau long lukautim gut ol gavman opisa bilong yumi taim ol i laik pinis long wok na go kisim malolo long asples bilong ol.



Published Weekly, Thursday, for Word Publishing Company, Ltd. P.O. Box 1982, Boroko, NCD Papua New Guinea

Telephone: (675) 325 2500

Fax: (675) 325 2579

Email: editorial@wantok.com.pg

Website: www.wantokniuspepa.com

Pe bilong wanpela yia, 52 niuspepa

Ples:	Air:
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager Elizabeth Konga

Editor Veronica Hatutasi

Published at Able Building Complex, Sec 58 Lot 02, Waigani Drive.

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest or its absolute discretion. The publisher's general terms acceptance are available at Word Publishing Company Ltd and are set out full on the display advertising form.

Mosbi Bogenvil komyuniti i selebret



GODONS SEKONDERI GRAUN: Sampela ol Bogenvil komyuniti i bin selebretim de bilong ol long las wik Sarere long Godons Sekonderi skul pilai graun.



TUPELA PORO: Tupela yangpela meri Bogenvil i amamas long bung na raun stori amamas long dispela de bilong ol. *Oi Poto: Isaac Liri*

Veronica Hatutasi i raitim

SARERE Jun 14 i bin lukim planti handet Bogenvil pipel i pulap kap-sait long Godons Sekonderi skul pilai graun long Pot Mosbi long selebretim Bogenvil Atonomas Rijon De.

Dispela em i namba 14 yia bilong Bogenvil de we pipel bilong rijon i selebretim bihain long kisim Atonomas Bogenvil Gavman(ABG) long Jun 15, 2005.

Masta bilong seremoni long dispela de em Francis Kabano husat i bin wok wantaim ABG olsem Edministretiv Seketeri long sampela yia i go pinis, tasol em i lusim na wok wantaim wanpela maining kampani nau.

Em bin mekim sampela tok klia long sotpela histori na rot we Bogenvil i kisim ABG na ol stia em i bihainim yet long kisim ful atonomi na referendum vot.

Em i givim ol tok klia moa yet long ol yangpela Bogenvil pikinini husat i no klia tumas long pait long ailan na ol bikpela hatwok i bin kamap long stretim ailan na kisim i kam inap long level em i stap nau long en long painim bel isi, gutpela sindaun na ol wok developmen long kisim Bogenvil i go fowet.

Bikos olgeta rot i no bin wok, ol PNG na Bogenvil lida na ol patna long wok bilong painim bel isi na gutpela sindaun i bin lukim olsem politikel solusen tasol i wanpela rot bai stretim pait na hevi long Bogenvil.

Olsem na ol i bin wanbel long givim atonomi we i bin lukim ABG i kamap long 2005, na as bilong selebretim Bogenvil De las Sarere.

Long surukim wokabout bilong Bogenvil i go moa, referendum vot bai kamap klostu taim.

Aninit long Bogenvil Pis Agrimen (BPA) em rot map we i givim stia long wokabout bilong Bogenvil, Bogenvil bai holim referendum vot namel long 10 na 15 yia bihain long kisim atonomi. Neks yia bai 10-pela yia bihain long Bogenvil i kisim atonomi na olsem, ol wok redi i wok long go het long taim bilong referendum vot.

Dispela i min olsem ol pipel bai kisim vot long bruk lusim PNG na kamap wanpela independen ailan, o vot long stap wantaim PNG.

Mista Kabano i bin tok Bogenvil i gat planti pes, tasol ol i gat wanpela ples yumi kolim Bogenvil em ples bilong yumi.

“Yumi gat planti pes, tasol yumi gat wanpela ples yumi kolim Bogenvil.”

“Yumi mas stap na wok olsem wanpela pipel wantaim wanpela tingting husat i stap long wanpela wokabout long kamapim gutpela wok long politikel, sosel na ikonmik sait na developim ples bilong yumi.

“Long kamap long dispela wokabout yumi laikim na driman long en, yumi mas yunait na sanap wantaim gutpela bel isi na sindaun. Na yumi mas lusim ol samtiring bilong pait. Sapos no gat, referendum bai no nap kamap,” Mista Kabano i tok.

Ol narapela bikman i bin kamap na toktok long dispela de em Minista bilong Pablik Enterprise na State Investment, na Memba bilong Kavieng, Ben Micah, Siaman bilong State Owned Enterprise, Paul Nerau, olupela Bogenvil Afeas Minista na Sentrel Bogenvil memba, Sam Akoitai na Pablik Sevis Minista long ABG husat i bin makim presiden em Dokta Joel Banam.

Wanpela samtiring tasol em no gat Palamen memba bilong Bogenvil I stap long Mosbi I bin soim pes long dispela selebresen.

Tasol Bogenvil komyuniti long Mosbi i bin gat gutpela de stret long gat sans long bung na amamas wantaim ol wantok na pren we ol i no save lukim wanpela narapela long longpela taim, kaikai wantaim, samsam long ol kastom na tumbuna singsing na danis bilong olgeta hap long ailan inap i go tudak.

Ol kain kain kala bilas na stail i bin kamap stat long as bilong ailan, saut Bogenvil, we ol pipel bilong Siwai, Buin na Nagovis i bin winim mambu na hatim singsing kaur we ol meri i raunim na kirapim das, i go long ol grup long

Buka Ailan we i bin pairapim mambu ben na ol yangpela meri i samsam long ol Solomon danis, na ol lain long ol liklik ailan olsem Nissan i putim kamap kain stail bilong ol. Na ol lain long Motlok Ailan i bin soim kain stail yet wantaim ol kain stail danis na moa yet, naip danis bilong ol we i pulim in-tres bilong planti lain long dispela de.

Bogenvil de komiti i bin mekim bikpela wok long lukim olsem dispela de i kamap gut. Wankain selebresen tu i bin kamap long olgeta hap bilong Bogenvil.



REDI: Ol pikinini tu i bin selebretim Bogenvil De olsem tupela ya i penim pes na amamas long pilai wantaim ol balun samtiring raun long Godons Sekonderi pilai graun.



MAMBU BEN: Ol yangpela manki i no isi long pairapim mambu ben we i bin kam gut tru long selebresen.



NAIP DANIS: Noken ting olsem dispela em i piksa bilong pait wantaim naip, nogat. Em ol mangki Motlok Ailan i gat narapela kain stail ol i kolim long naip danis yu ken lukim hia.

Kubugam bot-stop bilong Karkar pipel gat stail

James G.Kila i raitim

WANPELA naispela ples i stap long not kos rot (NCR) we ol pipel bilong Karkar Ailan i save kisim moto bot na sot-kat tasol long bikples Madang i go long ailan.

Dispela liklik ples em Kubugam na em ples we kain kain stail na bilas i stap long hap sapos yu yet laik go lukim na skelim.

Sapos yu ran long kar o PMV bi-hainim NCR i go abrusim Mugil na i go liklik bai yu lukluk i go long solwara na lukim wanpela naispela liklik ailan i sanap i stap wantaim naispela waitpela wesana kokonas tu i sanap sore na luk stail tru....No ken paul na ting em wanpela Pasifik ailan olsem Fiji o Samoa, nogat em ailan bilong NCR long Madang stret.... Na taim yu lukluk i go aut moa yet bai yu lukim Karkar Ailan i silip sori ausait long solwara na luk stail stret.

Kubugam em ples we ol lain pipel bilong Karkar i save go sua long en na bi-hain kalap long kar na PMV na go long Madang taun. Na tu ol lain bilong KRX i save go kisim moto na go long ailan.

PMV fea long Kubugam i go long Madang taun em K7.

I gat planti ol stail mangi o skipa bilong ol motobot husat i save ronim ol 40 hos na 60 hos pawa moto na katim solwara i go kam long Karkar ailan. Dispela ples em wanpela i save kolim "KRX" na sampela i save stailim na tok 'Island of No-Return'...we i min olsem taim yu go lukim ol naispela plawa bilong Karkar em bai yu lus tingting long go bek long ples bilong yu.

Kubugam i gat kain kain ol stail na kala i stap long en stat long Tunde taim maket i save op na planti lain bilong Hailans husat i save baim buai i save go baim long hap.

Ol lain 'bai' bilong KRX i save bringim ol daka i kam salim tu long Kubugam maket bikos i gat ol kastoma bilong Hailans i save sambai pinis long baim daka bilong ailan i stap.

Tupela yia i go pinis, wanpela bisnis lain bilong Saina i opim supamaketa bekeri bilong ol long Kubugam, na tru tumas dispela i mekim isi nau long ol lain bilong Karkar long salim ol samt-ing long Kubugam tasol na baim ol stua kaikai na kalap gen long motobot na go bek long ailan.

Kubugam bot stop eria em wanpela ples we planti kain kain liklik bisnis i save kamap long sevim ol lain brata susa bilong KRX husat i go stap wetim bot long go bek long ailan. Bai yu ken lukim kain kain nem bilong ol bananabot bai go kam katim solwara.

Mi bin ran long sampela long ol dispela motobot i go kam long Karkar ailan na tru tumas mi gat bilip long ol lain skipa bilong ol dispela moto-bot. Ol lain ya em ol 'stail masalai bilong brukim solwara stret'. Wanpela long ol dispela stail skipa em Wait-garas, na i gat nem bilong em tu i stap long sait long bot bilong em

Narapela stail skipa em Starky na bagaros ya i save ranim 'Guwama', narapela 60 hospawa moto bot we i save katim solwara i go olsem long Biabi long Takia sait bilong Karkar ailan.

Starkey i stori long mi olsem em wanpela sempion skipa bikos em i ran i go kam long solwara namel long Madang bikples na KRX na em save gut tru long tait na ron bilong solwara.

Em i tok ol lain long Takia sait olsem Kurum, i go olsem long Biabi i save baim K20 long bot fea, tasol sampela bot nau i wok long sasim K25. Ol motobot bilong Waskia sait bilong KRX i save baim K30 na K40 bikos em longwe na stap hapsait long ailan we bai kisim longpela taim liklik.

Dispela ol motobot sevis em ol lain i givim i sotim taim bilong ol lain manmeri long go long taun. Sapos ol i laik kalap long ol kago sip na go long taun em bai kisim longpela taim tru.

I no long taim i go pinis sampela ol motobot i apim prais ol i save sasim ol pasindia long go kam long Karkar. Ol papa bilong motobot i tok olsem ol i apim prais bikos prais bilong sum na tustrouk oil i go antap.

Mi bin kalap long Wait-Garas na katim solwara i go long Biabi, na mi peim K20 tasol. Dispela 'Bai' Wait-garas i striaim bot stail stret na bringim mi seif i go long Biabi.

Yu husat nupela man i laik go long KRX o Karkar Ailan, moabeta yu kisim PMV long Madang taun na baim K7 tasol na ran i go olsem long Kubugam na bai yu lukim planti stail plawa bilong KRX na tu ol stail moto-bot skipa i stap long helpim yu.

Ol lain brata long Takia i save tok 'Mel Kabel.'

Tupela stail skipa em Starky wantaim Wait-Garas i sua long Kubugam na malolo wanaim wanpela wantok.

Ol foto: JAMES G. KILA



Ol bot bilong KRX go sua long Kubugam basis.



Ol beg daka na buai bilong Karkar go daun long Kubugam bris.

Ailan fran long Kubugam basis.



Program bilong Wanwan De

De - Mande - Fraide

6am - 10am - Sankamap show - Host: Kas.T
 6:00am - Major Nius Bulletin
 6:15am - Komuniti Notis Bod
 6:25am - Taim Bifo - wanpela singsing b'long bifo.
 6:30am - Nius Hetlains
 6:45am - Bonde grtins
 7:00am - Major Nius Bulletin - YUMIFM Nius Senta
 7:05am - YU TOK - komiuniti awenes program
 7:15am - WAN 4 DA ROAD - Hit Prediction
 - niupela singsing
 7:30am - Tok Pilai - stori b'long putim smail long nus pes.
 8:00am - Major Nius Bulletin - YUMIFM Nius Senta
 8:05am - YU TOK - komiuniti awenes program
 8:15am - "Papa Heni Fuka Show".
 9:00am - Nius Bulletin - YUMIFM Nius Senta
 9:15am - Luksave long Komuniti (Radio Pilai) Fraidei

Tasol
 9:30am - Final aua cruz
 10am - 3pm - Morin Trek na Belo Pack
 - Host: Mummy DASH
 10:00am - Major Nius Bulletin - YUMIFM Nius Senta
 10:05am - YU TOK - komiuniti awenes program
 10:15am - Kona b'long yu.
 10:45am - YUMI PANIM WOK Segment
 11:00am - Nius - YUMIFM Nius Senta
 11:05am - YU TOK - komiuniti awenes program
 11:10am - Lukautim yu yet - Helt toktok
 11:30am - Nius Hetlains b'long Belo Taim
 - Laik b'long yu - Niupela singsing previu
 12:00pm - Major Nius Bulletin - YUMIFM Nius Senta
 12:05pm - YU TOK - komiuniti awenes program
 12:10pm - BELO Pack - Belo taim rekwes na dedikesen
 12:15pm - Komuniti Notis Bod
 12:20pm - BELO Pack - Belo taim rekwes na dedikesen
 1:00pm - Nius - YUMIFM Nius Senta
 1:05pm - YU TOK - komiuniti awenes program
 1:10pm - BELO Pack - Belo taim rekwes na dedikesen

2:00pm - Major Nius Bulletin - YUMIFM Nius
 2:05pm - YU TOK - komiuniti awenes program
 2:45pm - YUMI PANIM WOK Segment
3pm - 7pm - Avinun Draiv Taim - Host: Vaviessie
 3:00pm - Nius - YUMIFM Nius Senta
 3:05pm - YU TOK - komiuniti awenes program
 3:10pm - Avinun cruz
 4:00pm - NIUS - YUMIFM Senta
 4:05pm - YU TOK - komiuniti awenes program
 4:10pm - FOAPELA KAM GUD LONG 4 - foapela singsing
 4:30pm - Nius Hetlains
 4:45pm - YUMI PANIM WOK Segment
 5:00pm - Major Nius Hetlains - YUMIFM Nius Senta
 5:05pm - YU TOK - komiuniti awenes program
 5:10pm - 6:00pm - KULCHA Musik (1 hr) skeim lokal musik 6pm - 7pm
- NAIT BEAT - Host: Vaviessie
 6:00pm - MAJOR NIUS BULLETIN
 - YUMIFM Nius Senta
 6:05pm - YU TOK - komiuniti awenes program

6:10pm - 7:00pm Mon kamap sho
 6:45pm - Komuniti Notis Bod
 7:00pm - 9:00pm - COCA COLA GARAMUT
 - Host: Angra Kennedy
 7:00pm - Nius - YUMIFM NIUS SENTA
 7:05pm - YU TOK - komiuniti awenes program
 9:00pm - 00am - Nait Beat - Isi Cruz long nait
 00am - 6am - BRUKIM TULAIT SHOW - Host: Tuluvan Vitiz/Talaigu Sopi/Bata Rat
 00:00 - Early Monin Taim Cruz (ol lain brukim tulait shift)
 - Musik / Request / Tok pilai
 - Kipim Kampani long ol nait shift.
Wikens - Sarere
 6am - 10:00am - Wiken Sanrais Host: Talaigu Sopi
 7am - 9am - Sarere Monin Cruz
 9am - 11am - Monin Treks
 11am - 1pm - National Weekly Hit Parade - Host: Kasty - 1st aua NWHHP
 12:00pm NIUS - YUMIFM Nius Senta
 12pm - 1pm - 2nd aua NWHHP

Sarere belo cruz - Host: Tuluvan Vitiz
 1pm - 2pm - Sarere Belo Taim Dedikesen
 2:00pm NIUS - YUMIFM Nius Senta
 2pm - 6pm - Sarere Avinun Cruz
 6:00pm NIUS - YUMIFM Nius Senta
 6pm - 00:00am - Nait beat
 7pm - 9pm - Coca Cola Garamut
 9pm - 00:00am - Nait cruz
 00:00am - 6am - Brukim Tulait Show
Wiken - Sandei
 6am - 10am - Wiken Sanrais / Sandei Monin wokabout Musik
 - Monin Treks
 10am - 12noon NIUS - YUMIFM Nius Senta
 12noon - Sarere Belo Taim Music
 12 - 2pm NIUS - YUMIFM Nius Senta
 2:00pm - Sandei Avinun Draiv Music
 2pm - 6pm - Nius - YUMIFM Nius Senta
 6pm - 8pm - GOSPEL REKWES AJA
 8pm - 00:00am - Late Nait Cruz - Poroman Aua
 00:00am - 6am - Brukim Tulait Show
Program Director - YUMIFM - Kasty

RADIO AUSTRALIA TOK PISIN PROGRAM HARIM LONG: 101.9 FM

6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Spots
 7.30PM Nius na Karen Afecas
 8PM Helt
 8.15PM Musik
 8.30PM NIUS
 8.40PM Spots Riplei
 8.55PM Musik
 9PM Stesen Pas

TUNDE - Moning - Nait
 6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Musik na Chit-Chat
 7.30PM Nius na Karen Afecas
 8PM Mama Graun
 8.15PM Musik/Spots
 8.30PM NIUS
 8.40PM Helt Riplei
 8.55PM Musik
 9PM Stesen Pas

TRINDE - Moning - Nait
 6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Musik na Chit-Chat
 7.30PM Nius na Karen Afecas
 8PM Focus
 8.15PM Musik/Spots
 8.30PM NIUS
 8.40PM Mama Graun Riplei
 8.55PM Musik
 9PM Stesen Pas

FONDE - Moning - Nait
 6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Musik na Chit-Chat
 7.30PM Nius na Karen Afecas
 8PM Youth
 8.15PM Musik/Spots
 8.30PM NIUS
 8.40PM Focus Riplei
 8.55PM Musik
 9PM Stesen Pas

FRAIDE - Moning - Nait
 6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Musik na Chit-Chat
 7.30PM Nius na Karen Afecas
 8PM Wantok
 8.15PM Musik
 8.30PM NIUS
 8.40PM Youth Riplei
 8.55PM Musik
 9PM Stesen Pas

SARERE - Nait
 7PM Stesen op - Ol Nius Hetlain/Program Priviu
 7.05PM Musik na Chit Chat
 7.30PM Nius
 7.40PM Wantok
 8PM Lokal Ben
 8.30PM Nius
 8.40PM Musik/Chit Chat
 9PM Stesen Pas

SANDE - Nait
 7PM Stesen op - Ol Nius Hetlain/Program Priviu
 7.05PM Musik na Chit Chat
 7.30PM Nius
 7.40PM Famili Blong Serah (Radio Plei)
 8PM Lukluk Bek Long Wik
 8.30PM Nius
 8.40PM Musik/Chit Chat
 9PM Stesen Pas

Raun wantaim Wantok kru ...

Mambu ben bilong Buka i kam gut

Isaac Liri i raitim

Igat tupela provins insait long Papua Niugini we ol i save pairapim mambu ben na karai bilong mambu i save kam gut tru na i save kirapim tingting bilong planti manmeri long danis.

Dispela tupela provins em Madang na Bogenvil.

Long las wiken, ol manmeri bilong Bogenvil insait long Pot Mosbi i bin amamas long holim Bogevil de. Ol i save amamasim dispela de long olgeta yia long Jun 14.

Long dispela de, i bin gat planti kain kain singsing tumbuna, planti ol laiv ben, na planti spika i bin mekim planti gutpela toktok.

Wanpela samting tasol long dispela de we i bin pulim ol manmeri i kam klostu em taim mambu ben i bin pairap.

Man husat i save go pas long dispela mambu ben grup long Pot Mosbi em Hubert Sareke na famili bilong em.

Taim ol mangi i bin paitim mambu, na ol meri i bin danis, planti manmeri husat i bin kam long lukluk i bin singaut "wan mo, wan mo."

Dispela mambu ben grup long Pot Mosbi i save pilai long planti hap. Ol i save pilai long ol hotel, ol skul na long ol bikpela de olsem Bogenvil o ABG de.

PAIRAP: Ol mangi i kilim skin long paitim bamboo ben.



DANIS! Ol meri buka i danis taim bamboo ben i pairap.



EMTV Television Guide

FONDE JUN 19, 2014		FRAIDE JUN 20, 2014		SARARE JUN 21, 2014		SANDE JUN 22, 2014	
4:30 AM G	AUSTRALIAN NETWORK	4:00 AM G	AUSTRALIA NETWORK	4:30 AM G	AUSTRALIA NETWORK	6:00 PM G	EMTV NATIONAL NEWS
5:00 AM G	JOYCE MEYER	5:00 AM G	JOYCE MEYER	6:00 AM G	EMTV NEWS REPLAY	6:30 PM G	2014 NRL - ROUND 15
5:30 AM G	EMTV NEWS REPLAY	5:30 AM G	EMTV NEWS REPLAY	7:00 AM G	IN HIS STEPS EP#24	8:30 PM G	2014 NRL - ROUND 15
6:30 AM G	TODAY	6:30 AM G	TODAY	7:30 AM G	AUSTRALIA NETWORK	10:30 PM G	EMTV NEWS REPLAY
09:00 AM G	Classroom Broadcast	6:30 AM G	Classroom Broadcast	8:00 AM G	TBAfollowed by the Australia Network	
9:00am	Grade 6 Mathematics	9:00 AM G	Grade 6 Mathematics	8:30 AM G	AMAZING SPIES- EP#24/26	SANDE JUN 22, 2014	
9:50am	Grade 6 Science	9:00 AM G	Grade 6 Science	9:00 AM G	ESCAPE FROM SCORPION	3:30 AM G AUSTRALIA NETWORK	
10:40am	Grade 7 Mathematics	9:00 AM G	Grade 7 Mathematics	9:30 AM G	ISLAND EP#29/30	6:30 AM G EMTV NEWS REPLAY	
11:20am	Grade 7 Science	9:00 AM G	Grade 7 Science	10:00 AM G	ULTIMATE GUINNESS WORLD RECORDS - EP#15/52	7:00 AM G HILLSONG	
1:00pm	Grade 8 Mathematics	9:30 PM MA	Grade 8 Mathematics	10:30 AM G	LOVE PATROL S6 - EP#4 Rpt.	7:30 AM G AUSTRALIA NETWORK	
1:50pm	Grade 8 Science	9:30 PM MA	Grade 8 Science	11:00 AM G	SKIIPPY- The Black Spider - Rpt.	8:00 AM G TBA (Yoga)	
2:30pm	DEPI Program	11:30 PM G	DEPI Program	2:30 PM G	QRL INTRUST CUP - ROUND 17	8:30 AM G BUSINESS PNG YR.3 EP#21 rpt.	
3:30 PM G	KIDS KONA	11:30 PM G	KIDS KONA	3:30 PM G	PNG HUNTERS vs. EAST TIGERS	9:00 AM G TOTALLY SPIES EP#15 - RE-RUN	
	HI 5 S11 EP#01/43		HI 5 S11 EP#02/43		- Kalabond Oval "Live"	9:30 AM G OLSEM WANEM EP#23- RPT	
	MAGICAL TALES S3 EP#17/47		MAGICAL TALES S3 EP#18/47		OLSEM WANEM EP#23	10:00 AM G RESOURCE PNG EP#22 - Rpt	
	PYRAMID S2 EP#65/68		PYRAMID S2 EP#66/68				
	THE SHAK S4 - EP#19/66		THE SHAK S4 - EP#20/66				
			5:30 PM G SKIPPY - BLACK SPIDER				
			5:55 PM G CRIME STOPPERS				
			6:00 PM G EMTV NATIONAL NEWS				
			7:00 PM G IN MORESBY TONIGHT -				
			7:30 PM G 2014 NRL - ROUND 15				
			RAIDERS vs. BULLDOGS "Live"				
			9:30 PM MA FRIDAY NIGHT MOVIE				
			- NEVER BACK DOWN				
			11:30 PM G EMTV NEWS REPLAY				
		followed by the Australia Network				

TORO



BIABIA



KANAGE



KROSWOD



Ansa bilong las wik kroswod, isu # 2075

- Akros**
- 1 Nupela minista
 - 6 Ailan long Kavieng
 - 8 Haus bilong ol meri long UPNG
 - 9 Bikpela pestode bilong ol Kristen
 - 11 Bilong sindaun
 - 12 Haus lotu
 - 13 God tokim Noa long wokim
 - 15 Pulap long diwai
 - 17 Hul
 - 20 Politikal pati
 - 22 Maunten long Simbu
 - 25 Fani man long Wantok
 - 26 Yau
 - 27 Lait i _____
 - 28 Rot bilong go insait
 - 30 Ples long Noten Provins
- Daun**
- 1 Mama bilong Jon Baptis
 - 2 Naispela nois
 - 3 Putim long bret
 - 4 Namba wan meri
 - 5 Rentim graun
 - 6 Marasin frut
 - 7 Ples bilong gavman
 - 10 As tru
 - 14 Minista bilong CIS
 - 16 Ananas
 - 17 PNGDF
 - 18 Sik kus
 - 19 Autim kaikai long bel
 - 23 Misa
 - 24 Sik nogut
 - 29 Ol yia long taim bilong Krais


SUDOKU

5	1	2	6	9	4	3	7	8
4	7	9	1	3	8	5	6	2
3	8	6	7	5	2	1	4	9
9	2	1	4	7	6	8	5	3
6	5	8	3	2	1	4	9	7
7	4	3	9	8	5	2	1	6
8	9	7	5	4	3	6	2	1
1	3	4	2	6	7	9	8	5
2	6	5	8	1	9	7	3	4

6								4
	4		6		1	8		7
7		2	4		3			9
8		3		6	2			
	7						8	
			7	4		3		5
5			8		4	2		6
3		7	9		6		1	
	8							3

Ansa bilong las wik Sudoku # 49

Ansa bilong Sudoku # 50 neks isu



EMTV Television Guide

11:00 AM G LOVE BITES WITH JOEY 18/26	MANDE JUN 16, 2014	5:55 PM G CRIME STOPPERS	1:00pm Grade 8 Mathematics	9:00am Grade 6 Mathematics
11:30 AM G THE CHEF & HIS BETTER HALF -		6:00 PM G EMTV NATIONAL NEWS	1:50pm Grade 8 Science	9:50am Grade 6 Science
12:00 PM G AUSTRALIA NETWORK	4:00 AM G AUSTRALIA NETWORK	7:00 PM G NRL ROUND 14	2:30pm DEPI Program	10:40am Grade 7 Mathematics
2:00 PM G 2014 NRL - ROUND 15	5:00 AM G JOYCE MEYER	TITANS vs. STORM	3:30 PM G KIDS KONA	11:20am Grade 7 Science
4:00 PM G 2014 NRL - ROUND 15	5:30 AM G EMTV NEWS REPLAY	9:00 PM G COCA-COLA SPORTS SCENE EP	5:30 PM G ESCAPE FROM SCORPION IS. S2	1:00pm Grade 8 Mathematics
TITANS vs. DRAGONS	6:00 AM G TODAY	9:30 PM PG THE VOICE AUSTRALIA S3	6:00 PM G EMTV NATIONAL NEWS	1:50pm Grade 8 Science
6:00 PM G EMTV NATIONAL NEWS	9:00 AM Classroom Broadcast	11:00 PM G EMTV NEWS REPLAY	7:00 PM G HAUS & HOME Ep#18	2:30pm DEPI Program
6:30 PM G PACIFIC WAY SEASON 9 - EP#5	9:00am Grade 6 Mathematicsfollowed by the Australia Network	8:00 PM G BUSINESS PNG YR.3 -	3:30PMG KIDS KONA
7:00 PM G TOK PIKSA - EP#2014/26	9:50am Grade 6 Science	TUNDE JUN 17, 2014	8:30 PM PG MERLIN SEASON 3 - EP#8/13 -	5:30 PM G ULTIMATE GUINNESS WORLD
7:30 PM PG THE VOICE AUSTRALIA S3 -	10:40am Grade 7 Mathematics		9:30 PM G EMTV NEWS REPLAY	6:00 PM G EMTV NATIONAL NEWS
9:00 PM G 60 MINUTES	11:20am Grade 7 Science	followed by the Australia Network	7:00 PM G OUR PORT MORESBY EP#34
10:00 PM MA SUNDAY NIGHT MOVIE	1:00pm Grade 8 Mathematics		TRINDE JUN 18, 2014	7:30 PM G ORIGIN GAME 2
11:30 PM G HILLSONG Rpt.	1:50pm Grade 8 Science	5:00 AM JOYCE MEYER 1081-2		9:30 PM G TOK PIKSA Ep#25- Repeat....
00:00 AM G EMTV NEWS REPLAY	2:30pm DEPI Program	5:30 AM G NATIONAL EMTV NEWS REPLAY		10:00 PM PG DALLAS S2 EP#8 -
.....followed by the Australia Network	3:30PM G KIDS KONA	6:30 AM G TODAY		11:00 PM G NEWS REPLAY
	HI 5 S10 EP#41/43	9:00 AM G Classroom Broadcast	followed by the Australia Network
	MAGICAL TALES S3 EP#14/47	9:00am Grade 6 Mathematics	5:00 AM G JOYCE MEYER	
	PYRAMID S2 EP#62/68	9:50am Grade 6 Science	5:30 AM G EMTV NEWS REPLAY	
	THE SHAK S4 - EP#16/66	10:40am Grade 7 Mathematics	6:30 AM G TODAY	
	5:30 PM G AMAZING SPIES - EP#24/26	11:20am Grade 7 Science	9:00 AM G Classroom Broadcast	

Ol Progam na Kilok i ken senis oltaim...

Ol poto long wokaton na klinaton bilong ol ACYC, Pot Mosbi



ASDAIOSIS YUT: Ol Asdaiosis Katolik Yut Komisn(ACYC) memba bilong Dineri 2 na Murray Bareks i bin mekim wokaton na klinaton long las wik Sarere olsem hap long program bilong ol. Hia ol i pinisim wok klinap long Cheshire Disabiliti Hom senta, Hohola na kisim grup poto wantaim sampela lain long senta. Ol yut i bin kisim kaikai samting tu na givim ol senta lain.



WOKABAUT: Ol yut i wokabaut bihainim rot long Sir Pidik Pak, 5 Mail i go long Cheshire Disability Hom Senta long Hohola, NCD.



KLINAP: Tupela yangpela gel i klinap na swip insait long Cheshire Disability Hom senta. Ol Poto: Sandra Amuru

Raun wantaim Kanage olgeta wik

Em faul bodi meri ya
TAIM Kanage i liklik boi yet, papa bilong em i save kisim em i go raun long Ela Bis long Mosbi. Wanpela taim em wantaim papa i go raun i stap na lukim wanpela geligeli man (ol man husat i save luk olsem ol meri) i wokabaut i kam. Dispela man tu i bilong Hanuabada na em i stailim stret wokabaut bilong em. Boi sakim as na wokabaut olsem wanpela pato stret. Taim Kanage i lukim olsem, em i ting olsem wanpela meri na askim papa bilong em Yendefande, "Hei papa, dispela meri i luk narakain stret ya?" em i no gat susu olsem bilong mama. Ating em i mas gat sik ya." Kwik taim tru papa bilong em i sarapim em na tok, "Pasim maus bilong yu, yu liklik tumas



na yu no save. Dispela kain meri ol i save kolim ol faul bodi. Ol tewel bilong Papua i wokim ol krange long taim bilong ren stret, olsem na em i nogat susu. Ol tewel i wokim em long haphap samting bilong ol man, meri na enimol bilong bikbus. Dispela kain meri i no save pispis na pekpek." Kanage i harim dispela na bilipim stret papa bilong em.

Dodo na Chester Kila Wan Mail-LAE.

Planti Refrens musik tumas
WANPELA Fraide nait Kanage pilai laki wantaim ol wantok bilong em long Sandaun kem long Madang. Long wankain taim tu i gat danis long Raikos kem. Kanage pilai laki go na harim olsem ol musik tasol i wok long kamap long danis. Kanage harim dispela ol wankain musik i go na belhat nogut tru. Em nau em kirap na tok "Yupela, ol Raikos ya wok long pilaim tasol ol referens musik bilong ol, na ai bilong mi laik silip nau." Ol wantok bilong em harim olsem na kaikaim graun. Bikos Kanage i laik tok feveret na em i abrus na tok referens.

George Mango Sandaun Kem-WEWAK.

Ol skwat! Teksim ol gutpela Kanage tok pilai i kam long: Txt: 72356149

No laikim namba tu pikinini

Dia Laipain,

Mi gat 20 krismas na mi gat wanpela pikinini em mama bilong mi i lukautim i stap.

Long las yia, papa bilong mi i bin lusim mama na mipela famili, na i kisim nupela na yangpela meri. Olsem na wanpela rot long mama i kisim mani na lukautim ol susa na brata bilong mi em long mani mi kisim taim mi wok. Tasol mama i save krosim mi olgeta taim.

Nau mi no lukim sik mun bilong mi na mi pret nogut mi gat bel gen. Boipren bilong mi i yangpela moa long mi na em i no amamas long dispela. Na em i tingting long lusim skul na go long ples. Em i no laik lukim mi gen tasol mi tu mi no laikim em.

Laip bai i hat long mi na sapos mi no rausim dispela bebi mi karim long bel, bai mi kilim mi yet.

SINGLE MOTHER IN DILEMMA.

Dia pren,

Mipela i save kisim planti pas wankain olsem bilong yu long planti ol yangpela meri. Na mipela i luksave long pret pasin na wari yu gat long en. Pren, yu tok yu laik kilim yu yet, tasol yu tingim tu ol wari na hevi bai yu kamapim sapos yu go het na mekim samting yu tingting long mekim?

Bai em i helpim husat sapos yu kilim yu yet bikos yu pret na wari bikos yu gat bel gen?

Sapos yu dai, liklik pikinini bilong yu bai i nogat papa na mama. Na ol narapela lain bai i nogat mani long lukautim em na givim em kaikai. Mipela i bilip olsem laip bai i gat moa mining sapos yu kisim helpim long wari yu gat nau long em. Na yu lainim sampela lesen long em na bi yu traim long abrusim mekim wankain hevi long ol taim i kam.

Mipela i sori olsem laip bilong yu



i no gutpela tumas wantaim ol wari na hevi. Papa bilong yu i no givim gutpela piksa na nau, mama bilong yu i kisim mani tasol em i no tok tenkyu long yu tasol em i krosim yu.

Yu tu i bin mas hariap long tok yesa long manki husat i mekim yu amamas long liklik taim tasol. Tasol mipela i bilip olsem yu yet i mas nau fesim o luksave olsem yet i no bin strong inap long kamapim dispela hevi yu stap nau long en. Mipela i strongim yu long luksave olsem yu yet i bin rong. Taim yu luksave long rong bilong yu bai yu ken inap long stretim ol hevi we bai yu bungim long bihain taim.

Pren, wanem ol samting yu ken mekim? Namba wan, painimaut olsem yu trutru i gat bel bikos sampela taim, wari i ken mekim na yu no kisim sikmun o sapos nogat, bai yu lukim leit. Tasol sapos yu go long toilet long pispis planti taim o yu save traup long moning, dispela em ol trupela sainmak olsem yu gat bel. Sapos yu strong na tingting bilong yu i stap stret, i nogat as long kilim dai bebi. Long buk Baibel, God i tambuim pasin bilong kilim dai o rausim bebi, na lo bioong PNG i sapatim tu dispela. Mipela i enkarijim yu long toktok gut wantaim mama bilong yu na yupela i ken kamap gutpela poroman long wanem, em i wanpela long ol husat bai stap olgeta taim na helpim yu sapos yu bungim hevi.

Pren, tru karim gen narapela pikinini i ken mekim yu i no amamas na kamapim planti wari, tasol mipela i askim yu long noken tingim yu yet na ol wari yu gat long

em na tingim tu ol narapela. Mama bilong yu i hat hat long yu tasol tingim ol hevi em i karim long en. Man bilong em na papa bilong yu i bin lusim em long maritim wanpela yangpela meri. Na taim yu gat bel namba tu taim gen, dispela bai putim moa hevi i go antap long em (mama bilong yu). Mipela i bilip olsem ol dispela samting i mekim em na em i hat hat long yu.

Sapos yu ken wanbel long disisen o tingting bilong manki i no laik lukim yu gen na sapos yu ken strongim em long skruim skul bilong em. Na i no ken lusim skul na go long ples.

Sapos boipren bilong yu em i papa long nambawan na namba tu pikinini, em inap long helpim lukautim ol sapoa em i pinisim skul na kisim wok. Mipela i bilip olsem yu na boipren bilong yu i kisim skul long dispela na tu, long ol narapela husat i tingting long wankain laipstail olsem.

Tasol long yu, mipela i askim yu long traim tok tenkyu long mama bilong yu long lukautim pikinini bilong yu na em i ken tok tenkyu long yu long helpim bilong yu na traim long kamapim bel gut namel long yu tupela.

Pren bilong yu Laipain

Sapos yu gat wari o hevi, rait i kam long dispela etres: Life-line Counselling Services, P O box 6047, BOROKO, National Capital District, PNG. Yu ken ringim opis long telepon namba 3260011 o 3261680. O sapos yu stap long NCD, kam na lukim mipela long opis bilong mipela long Waigani. Mipela i no inap putim trupela nem bilong yu long niuspepa, tasol mipela bai putim ol wari na hevi bilong yu. Laipain

Papagraun laik senisim nem PNGSDP

na mani bai stap long Westen Provins tasol

Sir Mekere les long pait wantaim PM

Stanley Nondol i raitim

Na kot long Washington DC em long kisim kompens- esen na kisim bek sea.

Sir Mekere i tok long 2013 kampani i no kisim sea mani long OK Tedi Mining inap long moa long US\$200 milien.

Em i tok kampani i pasim 113 projek long Westen Provins na kantri bikos mani em i sot.

Sir Mekere i tok mobeta gavman i stopim ol pait long kot na larim ol pipel i yusim mani bilong ol bikos gavman i statim dispela pait na i no PNGSDP.

Sir Mekere i tok moa long US\$1.4 bilien bilong kampani bai stap inap wok maining long Ok Tedi i pinis.

Aninit long lo agrimen na polisi dispela mani bai i stap yet na ol papagraun bai yusim long stretim ol ples long eria bilong ol bihain long wok maining i pas.

Sir Mekere i tok dispela hevi i stap yet long kot na bai no inap long givim ansa bilong sampela askim o mekim ol planti toktok long dispela.

SIAMAN bilong Papua New Guinea Sustainable Development Program (PNGSDP) Sir Mekere Morauta i no laikim pait namel long PNGSDP na gavman i go het. Em i singaut long Praim Minista Peter O'Neill long stopim nau na opim rot bilong developmen na program bilong kampani bai go het gen.

Long Anuel Risal Miting bilong kampani, Sir Mekere i tok klia long wanem na PNGSDP i pait wantaim gavman.

Em i tok bikos long dispela pait namel long PNGSDP na gavman i gat tupela kot i stap yet. Wanpela kot i stap long Singapore na narapela long kepitol bilong Amerika, Washington DC.

PNGSDP i kisim gavman i go kot long Singapore em long kisim tok klia long kot olsem PNGSDP em i kampani bilong Singapore na PNG gavman i no gat rait long senisim lo na kisim sea bilong kampani.



Sali Subam na Warasam Debege

Stanley Nondol i raitim

OL PAPAGRAUN bilong Westen Provins i tok ol i laik PNGSDP i mas senisim nem bilong kampani i go long wanpela nem bilong makim Westen Provins. Na tu, ol i laik olgeta mani bilong kampani bai developim provins tasol na i no mas go long ol projek long narapela hap long kantri.

Tupela papagraun, pastaim memba bilong Saut Flai, Sali Subam na wanpela lida bilong provins, Warasam Debege i tokim PNSDP siaman Sir Mekere Mourata na Sif Eksekutiv Opisa David Sode long Pot Mosbi taim kampani i tokaut long risal bilong 2013.

Tupela lida hia i autim wari olsem planti politiks i go insait long PNGSDP na ol pipel i no kisim sevis long kampani.

Mista Debege i tok nem Papua New Guinea Sustainable Program (PNGSDP) i mas senis i go long wanpela nem bai makim Westen provins tasol, olsem Western Province Sustainable Development Program (WPSDP).

Mista Debege i tok bilong wanem na PNGSDP na gavman i pait long mani bilong ol pipel bilong Westen Provins.

Em i tokim Sir Mekere na Mista Sode long senisim nem na givim kampani go bek long ol pipel bilong Westen.

Mista Subam na Debege i tok PNGSDP Bod i no gat mausman bilong ol pipel i stap insait long mekim ol bikpela disisen na ol i laik kampani i mas putim papagraun insait long ol bot.

Tupela lida i singaut long bod na menesmen long stopim ol projek long ol arapela provins em kampani i mekim long mani bilong Westen Provins.

"Mipela ol piple long Westen i nidim bikpela developmen long kamap long provins. Westen i gat planti hevi bilong helt, edukesen na ol arapela nid i stap yet na bilong wanem na mani bilong Westen i go bildim ol narapela provins?"

"Inap yupela stopim dispela

na putim olgeta mani i kam bek na developim Westen tasol?" Mista Debege i tok.

Sir Mekere i tok em i isi long putim ol papagraun bilong Westen long kamap bod memba bilong PNGSDP.

Mista Sode i tok kampani bai lukluk long ol dispela strongpela poin we tupela lida i tokim Bod bilong PNGSDP long lukluk long en.

Mista Sode i tok kampani nau i lukluk long kamapim nupela plen long mekim wok developmen na bai lukluk long gutpela rot long ol pipel bilong Westen i wanbel long kampani i mekim wok developmen.

Mista Subam i singaut long PNGSDP Bot na menesmen long putim 3-pela mausman bilong 3-pela distrik long provins long kamap memba bilong bot.

Mista Subam i tok taim nem i senis na bot i gat ol papagraun bilong Westen Provins, gavman bai no inap long tok-tok planti long pasim rot bilong developmen bikos em i maining bilong ol pipel na mani tu i bilong ol pipel.

Nupela lo bai no inap helpim invesmen

PAPUA Niugini Semba bilong Mains na Petroleum i tok nupela lo bilong maining we Minista bilong Maining Byron Chan i laik putim i go long palamen long senisim Maining Ekt bai i no inap helpim kantri na bai kamapim birua long foren invesmen.

Wanpela delegesen bilong PNG Semba bilong Mains ana Petroleum we Vais presiden Peter Aitsi i go pas long en i bin bung wantaim Praim Minista Peter O'Neill na tok-tok long dispela nupela lo we Mista Chan i laik kamapim long palamen.

Dispela grup i edvaisim praime minista olsem sapos dispela bil i kamap lo, bai i no inap helpim ol foren invesmen long maining indastri. Ol i tokim praime minista

olsem dispela lo tu bai i no gutpela long sampela maining kampani husat i stap pinis long ol maining bisnis long PNG.

Dispela grup i tok moa olsem nupela lo bai i no inap helpim gut ikonomi bilong kantri. Ol i tok ol lain husat i raitim dispela proposal bilong kamapim nupela lo, i no bin kisim tingting bilong olgeta maining kampani.

Namel long sampela senis bilong Maining Ekt we Minista Chan i laik kamapim em; long apim stet ekuiti long 30 pesen i go long 50 pesen, stopim flai in na flai aut we ol wokman na meri bilong ol maining kampani i save flai aut i go long kantri bilong ol long lukim famili bilong ol.

Semba bilong Maining i

tok dispela i no gutpela bikos sampela main i stap long ol ples longwe long bus na i no klostu long taun na siti.

Praime Minista Peter O'Neill i tokim dispela grup olsem em bai salim tingting na wari bilong ol i go long Palamentri Komiti bilong ikonimik long kisim moa tok-tok long dispela tingting bilong senisim Maining Ekt.

Mista O'Neill i tok Nesenel Eksektiv Kaunsil i no tok orait long dispela proposel bilong senisim Maining Ekt.

Long wankain taim gavvana bilong Nu Ailan Sir Julius Chan i wok long pait strong long palamen i mas senisim maining lo na givim luksave long ol papagraun na ol pipel i mas kisim

bikpela sevis. Em i tok maining lo nau i givim bikpela luksave long ol developa na ol papagraun i kisim liklik mani tasol.

Sir Julius i tok i gat bikpela nid long kantri i mas glasim gen na senisim lo bilong maining bikos ol austait kampani i wok long kisim bikpela winmani long 40 yia long ol maining na klostu sampela main long kantri bai pinis wok nau.

Sir Julius i wok long strong long senisim lo bilong maining inap 6-pela yia nau. Em i tok dispela ripot em i givim long gavman las wik i gat olgeta tok tru i stap long gavman i ken skelimna givim tok orait long palamen bai vot long kamapim ol senis long lo.

MP no gat bilip long benk

MEMBA bilong Kandep na lida bilong T.H.E Pati Don Polye i tok em i no gat bilip long Bank bilong Papua Niugini (BPNG) olsem wanpela independen benk bikos benk i go insait long karensi maket bilong ol komesel bank las wik na i laik kontrolim maket bilong foren karensi.

Mista Polye i tok gavvana bilong BPNG i mas tok klia long ol pablik bilong wanem na BPNG i go insait long ol komesel benk na daunim ol foren karensi long benk.

Em i tok BPNG i mas stap independen long wok bilong em na i no ken harim tok gris bilong ol politisen insait long kantri.

Mista Polye i tok daunim foren karens long ol kome-

sel benk bai no inpa helpim ol ekspota na laikim gavana bilong BPNG long tok klia sapos dispela i bai kamap sotpela taim tasol.

Long wankain taim Mista Polye i tok long taim gavman i bekim dinau bilong UBS na baim tupela jenereta long Israel long K50 milien, dispela i apim strong bilong US dola. Na ol wokman long kantri i salim mani i go ovasis i baim planti US dola.

Em i tok taim BPNG i daunim foren karensi veliu long ol komesel benk long kantri, bai helpim ol impota tasol ol ekspota long egrikalsa bai kisim taim bikos ol samting ol i salim i go ausait bai no inap pulim inap mani i kam insait.

2014



AIR NIUGINI INTERNATIONAL TRAVEL VALUE

ITALIAN PILGRIMAGE tours

INCLUSIONS: • Return airfares - Port Moresby to Rome • 3 star hotel • Return airport transfers • Meals where specified • All tours/transportation fees • Tour guide • All taxes & surcharges

FROM **K14,620***

PER PERSON

TWIN SHARE

(Minimum Group, 20-25 people)

PORT MORESBY 2013 XV PACIFIC GAMES

OFFICIAL CARRIER



Air Niugini 40 YEARS

www.airniugini.com.pg

Call toll free on **180 2121**

or email: tours@airniugini.com.pg for more information



PNGSDP 2013 ripot i kam aut

Stanley Nondol i raitim

PAPUA New Guinea Sustainable Development Program (PNGSDP) i tok 2013 i bin wanpela hatpela yia bilong kampani na moa long 100 projek kampani i stopim na planti projek i stap long reviu bihain long gavman i senisim lo na kisim 63.4 pesen sea bilong Ok Tedi Mining kampani i menesim.

Siaman bilong PNGSDP Sir Mekere i tokaut long long Anuel Risal miting bilong kampani long dispela wik olsem kampani i no stap long gutpela mak na planti iekonomik na sosel developmen bilong kampani long Westen Provins na kantri i hangamap nating nau.

Sir Mekere i tok long yia 2013 kampani i no kisim wanpela winmani long mekim wok long ol projek insait long kantri bihain long Praitim Minista Peter O'Neill i stopim OK Tedi Mining kampani long baim winmani bilong maining i go long PNGSDP.

"Dispela disisen i bagarapim ol planti iekonomik na sosel developmen long Westen provins na kantri. Maski dispela i kamap, kampani i wok hat yet long givim sevis long kantri." Sir Mekere i tok.



CEO bilong PNGSDP David Sode i givim 2013 ripot bilong kampani. Siaman Sir Mekere Morauta na ol bod memba.

Sir Mekere i tok kampani i painim rot long go het wantaim ol developmen program bilong bihain taim na dispela bai kamap kliia long ol resolusen bilong kot i stap nau long PNG, Singapore na Intenesenel Senta bilong Setelmen bilong invesmen disput long Washington DC.

Sir Mekere i tok kampani i lukluk long muvim olgeta wok bilong en i go long

Westen Provins na bai i gat liklik opis tasol long Mosbi. Em i tok ol bai lukluk long fandim ol sosel na iekonomik developmen projek na program.

"PNGSDP bai makim ol kampani na sevis provaida, ejensi na ol NGO long mekim developmen wantaim mani bilong PNGSDP. Kampani i bilip olsem dispela em gutpela rot long kisim developmen i go long ol pipel." Sir

Mekere i tok.

Long mekim dispela i kamap kampani i kamapim long tem visin bilong provins long;

- Kamapim planti rot long ol pipel long Westen Provins long mekim mani bilong ol yet.

- Olgeta komyuniti i mas kisim gutpela helt na edukesen sevis.

- Wan wan komyuniti i mas gat sans long kamapim

laip bilong ol i wankain olsem laip bilong 21 senter.

- Westen provins i mas kamap wanpela model bilong developmen long kantri.

Sir Mekere i tok PNGSDP bai putim gutpela program long givim mani long ol projek na wantaim sapot bilong ol patna na invesmen long kirapim sosel na iekonomik infrastraksa program.

Em i tok long nupela

model na straksa fanding program wantaim ol patna bai givim mani long ol projek namel long 3 na 5 yia.

Kampani tu bai givim kliia na stretpela ripot long wok bilong em long ol pipel long wan wan yia.

Sir Mekere i tok kampani bai wok long nupela rot na plen long ol mun i kam long givim gutpela sevis long kantri wantaim mani bilong ol pipel. Nambawan Super

Nambawan Super

PABLIK NOTIS

Nambawan Super Limited (NSL) i laik toksave long ol gutpela memba bilong mipela olsem mipela bai stat nau long givim ol **memba stetmen** wantaim ol **membasip ID Kat**. Yupela bai kisim dispela long ol brens opis bilong mipela long ol provinsel hetkwata stat long 16 Jun na pinis long 30 Jun 2014.

Sapos insait long dispela taim yu no kisim memba stetmen na membasing kat bilong yu, mipela bai salim i kam long post opis bokis bilong yu o kampani o dipatmen bilong yu bai kisim na bihain givim long yu.

Ol stetmen na ID kat bilong ol memba i stap long **Pot Mosbi, Sentral** na **Galp** Provins, em bai i go stret long ol post opis adres bilong yu.

Ol memba husat i kisim wanpela pri-prin ID kat i mas go na lukim ol NSL brens i stap klostu long yu na bai ol i kisim poto bilong yu na prinim kat bilong yu. Yu mas gat ol dispela samting long ol i ken luksave long yu pastaim long yu ken kisim ID kat;

i) **2-pela pe slip (Em long toksave long fail namba)**
 ii) **Tok Orait Pas i kam long Provinsel Opis**
 - Polis (PPC)
 - Helt (Provinsel Helt Atoriti)
 - Edukesen (Edukesen Edvaisa/Skul inspekta na Het Masta / Prinsipel)
 - Ol Narapela Dipatmen/ Ol Kampani (Human Risos)
 iii) **Ol narapela ID (Wok ID, Draiva Laisens, Paspot na ol narapela)**

Ol memba husat iD bilong ol i winim taim bai i mas bringim olpela kat na ol i ken kisim nupela iD Kat. Memba husat i lusim kat o ol man i stilim, bai putim K20 i go insait long NSL Menesmen BSP Akaun: 1000585614.

Sapos yu laik save moa, ringim long dispela namba 3095311 / 73337777 / 76112222 o salim email i go long callcentre@nambawansuper.com.pg
 Tok orait bilong dispela Toksave i kam long CEO bilong Nambawan Super Ltd, **Mr. Garry R Tunstall.**

MIPELA I WARI LONG BIHAIN TAIM BILONG YU!

Westpac Hagen brens i winim 50 yia

WESTPAC PNG i winim 50 yia long wok bisnis long Mt Hagen brens na i gat bikpela amamas long makim spesel wik long komitmen bilong benk long ol pipel.

Westpac i statim selebresen long Jun 10 na planti ol singsing grup i kam selebret ausait long brens.

Westpac benk i givim ol retpela t-siot, ol kep na ol arapela samting bilong promotim benk long ol pipel long Hagen long selebretim 50 yia. Insait long liklik taim bihain long benk i givim ol siot na kep, Hagen siti i bin pulap long retpela kala.

Ol pipel i apim ol retpela balun, Westpac plak na ol i putim ol retpela t siot na tu ol i putim retpela han ben na apim han wantaim retpela kala long olgeta kona bilong siti.

Hetman bilong Westpac Ritel Benking Adam Downie na Menesing Dairekta bilong Westpac Geoff Toone i go lukluk raun long ol skul klostu long siti na givim ol steseneri na toktok long fainensel edukesen long ol sumatin na tisa.

Mista Downie i tok gutpla rot long selebretim longpela yia long benk i stap long Hagen em long givim ol skul toktok long ol sumatin na bai ol i gat save long rot bilong lukautim mani na bisnis long bihain taim bilong ol.

"Empowerim komyuniti long edukesen bilong fainens em i bikpela prairiti bilong benk na

mipela i amamas long planti fri edukesen woksop mipela i givim pinis," Mista Downie i tok.

Ol wokman bilong benk tu i bin gat bikpela sans long bungim Gavana bilong Westen Hailans Paias Wingti long kaikai long Highlander Hotel long Fraide 13 Jun. stap wantaim ol long makim 50 yia long Hagen brens.

Mista Toone i tok benk i amamas long givim fainensel sevis long ol pipel na bisnis long Hagen na Hailans rijon long 50 yia.

"Mipela i amamas olsem mipela i bin namba wan benk long kantri. Mipela opim namba wan brens long Pot Mosbi long 1910 na opim Hagen long ol taim bilong ol kiap." Mista Toone i tok.

"Hagen brens i nau givim sevis long moa long 30,000 kastoma na i stap strong long provins na long Hailans rijon na i gat planti in-soua benking" Mista Toone i tok.

Mista Downie i tok nau i gat mobail benking teknoloji, na benk i ken givim fainensel edukesen sevis, opim akaun na ol kastoma i ken yusim sevis bilong in-Stua benking long ples yet.

Mista Toone i tok benk i gat plen long apim namba bilong ol wokman long sapotim benking maket na helpim ol kopret kastoma long SEM bisnis.

Mista Toone i tok dispela em komitmen benk i mekim long givim gutpela fainensel sevis long ol pipel bilong Hagen na Hailans rijon.

Stori bilong kastom bilong PNG

EXXONMOBIL PNG Limited, kampani i bosim PNG LNG Projek, i putim aut wanpela buk i gat stori bilong ol kastom bilong Papua Niugini long dispela mun tasol

Ol i bin lonsim dispela buk insait long Buk bilong Pikinini laibreri long Yuni- vesit bilong Papua Niugini las wik.

Nem bilong dispela buk em, *Kastom Stori-Sene Gori*. Em i gat ol tumbuna stori ol skul sumatin bilong gret 3 i go long gret 12 long ol hap bilong PNG LNG Projek i raitim na droim ol piksa.

Dispela buk i kamap bi- hain long wanpela stori resis i bin kamap wantaim PNG LNG Projek long 2011. Em i bin lukim ol pikinini na ol tumbuna na ol narapela bikipela lain long ples i wok wantaim long lainim ol bikipela stori bilong tumbuna we i save holim ol kastom na kalsa bilong ol. Olgeta wina stori i kamapim 109 pes buk long pul kala em *Kastom Stori-Sene Gori* buk.

"Mipela i luksave long gutpela kalsa Papua Niugini i gat long wan wan ples, na mipela ai save olsem tumbuna stori na kalsa laip bilong ol ples we mipela i wok em i bikipela samting tru long ol," Peter Graham, ExxonMobil PNG Limited Menesing Dairekta i tok.

"Dispela resis i helpim ol pikinini long rit na rait, na tu long lainim pasin kalsa bilong ol na raitim wantaim pen na pepa long bihain taim bai em i ken stap. Mipela kisim moa long 3,700 piksa na stori, em i narakain stret. Wok ol skul pikinini i mekim em i nam- bawan tru na ol stori i tokaut tru long dispela narakain kalsa bilong kantri," em i tok.

"Em i gutpela tru long lukim ol wok bilong ol nau i stap long prin," Mista Graham i tok.

Edukesen em i ki bilong invesmen bilong Projek long komyuniti, wantaim moa long K13 milien i go insait long helpim ol skul insait long projek eria, stat long 2010 yet i kam inap nau.



Mista Peter Graham wantaim ol pikinini i holim ol buk.



Mista Peter Graham i sindaun wantaim bos bilong Buk bilong Pikinini na holim wanpela buk ol i prinim pinis.

LNG baim papagraun K2.64 bilien

PNG LNG i baim moa long 160 milien kina long londona kampani (Lanco) long ol sevis ol i givim long projek long dispela kwata bilong 204. Na i kam inap nau, Projek i spendim moa long 2.64 bilien kina long lanco.

Kwatali ripot bilong PNG LNG i tok ol arapela Papua Niugini bisnis husat i no Lanco i save givim ol sevis tu i go long projek. Long pinis bilong displa kwata,

moa long 400 milien kina i bin go long ol Lanco sevis na ol dispela arapela sevis.

Total in-kantri mani em projek i spendim i kamap long mak bilong moa long 10.71 bilien kina.

Moa long 260 bisnisman na meri i kisim helpim long Enterprise Centre long dispela kwata, na bringim total namba bilong ol pipel Centre i helpim i kamap long mak bilong 17,000. Centre i givim moa long 9,700 tren-

ing de long ol Papua Niugini bisnis i kaminap nau.

Nupela PNG employment and Supplier Database i stat long dispela kwata, na em i kisim ples bilong PNG Supplier Database, em ol i rausim nau.

Dispela nupela DAtanase bai helpim ol lain i painim wok long lukim wanem kain sans bilong wok i stap, na ol bisnis tu i ken painim wanem kain bisnis i stap ausait long projek.

Vanuatu bai gat ol nupela yam

WANPELA saveman bilong ol yam long India i pinisim trening na wok bilong em long kamapim ol nupela yam long Vanuatu we i save strong long abrusim ol kain kain sik bilong yam.

Man bilong India i gat bikipela save long ol yam, Dokta Kuttolamadathil Abraham, i bin stap wanpela mun long givim trening na wok wantaim ol opisa bilong Egrikalsa Dipatmen long ailan bilong

Efate na Santo long mekim dispela wok.

Em i bin go mekim dispela wok bilong kamapim ol nupela kain yam long Vanuatu aninit long wanpela projek bilong World Bank.

Saveman bilong yam long Vanuatu, Dokta Roger Malapa, i tok projek ya i bin maritim 8,000 long ol sid bilong ol kain kain yam bilong Vanuatu.

Em i tok ol i gat bilip long

kamapim samting olsem 4,000 nupela haibrid yam long ol sid we ol i maritim na i kamapim gutpela kain yam moa.

Dokta Malapa i tok ol nupela kain yam bai strong na abrusim ol sik we i save bagarapim ol yam na tu, na ol senis we klaimet senis i bringim.

Em i tok ol sid we Dokta Abraham na tim bilong en i kamapim bai redi long mun Oktoba.

Nupela mobail fon sistem bai kamap

DIGICEL PNG bai kamapim namba wan biometric Subscriber Identity Module (SIM) rejistresen sistem long kantri long mun Julai.

Dispela sistem bai kamap bikos Nesenel Infomesen na Komyunikesen Teknoloji Otoriti (NICTA) i lukim olsem planti SIM kat bilong ol manmeri i no rejista gut na wok bisnis i no save kamap gut.

Long wanpela pepa NICTA i autim long las yia long Julai, ol i tok ol manmeri husat i gat ol SIM kat na mobail foun we i no rejista wantaim ol kampani olsem Digicel, i save mekim planti samting we i no stret aninit long lo bilong kantri.

Nesenel Eksekutiv Kaun-

sil (NEC) bai klostu taim glasim lo bilong mekim rejista ol SIM kat wantaim ol kampani husat i save givim mobail fon sevis.

Sif Eksekutiv Opisa (CEO) bilong Digicel, John Mangos, i tok Digicel i redi long lukim dispela sistem i kamap.

Em i tok NICTA i tok ol manmeri inap long 13 kris- mas na i go antap bai inap long rejista.

Long ol lo NICTA i kamapim, ol i tok dispela sistem bai lukim olgeta manmeri i givim nem bilong ol, de mama i karim ol, sapos ol man o meri, wanem hap ol i stap long en, ples ol i kam long en, na ol arapela in-

fomesen.

Dispela sistem bai lukim olgeta kastoma i mas gat poto, na mobail fon kampani bai kisim pinga print bilong wan wan kastoma.

Dispela sistem em bai wanpela nupela kain teknoloji we ol pipel bilong Papua Niugini i no lukim bipo.

Dispela sistem bai tokim mobail foun kampani long wanem hap yu stap long en insait long kantri.

Digicel na NICTA i wok yet long strongim dispela sistem. Ol i laikim dispela sistem long wok, na ol bai lukautim gut ol kastoma bilong ol, na lukim ol i benefit long gutpela rot.



Sampela long ol kain yam bilong Vanuatu. Foto: ABC



Ol rif na pis long Basamuk Be stap orait- DEC

OL KORAL RIF na ol pis insait long solwara long Basamuk Be, Madang Provins i stap gut tru na tu planti nupela rif I gro na sampela spesel fis i wok long go raun long ol rif arere long be.

Ol daiva blong Dipatmen ov Envaïromen na Konsevesen (DEC) i tokaut long dispela long Trinde bihain long ol i swim i go daun long solwara na glasim ol rif na laip bilong ol pis long Basamuk Be eria long mekim indipenden ripot long glasim sapos dispela rabis or teiling bilong Basamuk Rifaineri i kamapim sampela hevi long solwara.

Tim lida bilong DEC Tim Robert Sine i tok ol dispela indipenden asesmen o wok-painimaut i bin kamap dispela wik bikos planti ripot nogut i bin kamap long niuspepa na sosel midia olsem ol teiling o pipia bilong Ramu NiCo long Basamuk Rifaineri i wok long go daun long solwara na kilim ol pis na bagarapim ol rif.

Tasol long dispela wik ol atoriti stret blong Gavmanem, DEC yet i go long Basamuk na bung wantaim ol pipel na bihain mekim wok painim aut bilong en na i soim ol rip na laip bilong ol pis long solwara i stap orait yet.

Ol DEC tim wantaim opisa bilong Mineral Risoses Atoritnatu (MRA) Mains Opis bilong Madang Provinsal Gavman i go wantaim i bin stap long Basamuk long karimaut wok painimaut long solwara arere long Basamuk Rifaineri bihain long planti ripot i kamap bihain sampela lain long Basamuk i wok long givim kainkain ripot nogut long niuspepa tu toktok wantaim non-gavman ogenaïsesen (NGO) long bagarapim nem bilong Ramu NiCo olsem em i tromoi ol pipia i go insait long solwara na bagarapim ol rif na kilim indai ol pis na ol enimal long solwara.

Dispela wok painim aut em Minister bilong Envaïromen na Konsevesen Klaimet Senis.

John Pundari givim strongpela toktok long em i kamap long painim aut sapos i bagarap i kamap o nogat.

Wanpela strongpela DEC tim i bin go long Basamuk na mekim wok painim aut na i bin toktok wantaim ol local pipel bilong ples Mindre, we wanpela komyniti lida nem bilong em Terry Kunning i save long toktok tumas na go long midia na tu yusim ol NGO lain olsem rot long stretim ol hevi bilong em.

Ol DEC lain wantaim ol opisa bi-



Dokta Lemas i sekim ain-paip bilong Terry Kunning.



Ol DEC lain soim ol graun na sempel ol bai salim i go long long moa wok painim aut.

long MRA i bin go long Mindre viles long Tunde na go stret long fran long haus bilong Terry Kunning na i toktok wantaim em na em i givim kainkain ol tingting bilon gem.

Taim ol DEC opisa i bin askim em wanem hap tru em i kisim ol graun em i tokaut long midia we i kamaut long solwara, em i tok tumora bai em soim ol DEC lain.

Long Trinde, ol DEC lain i go aut long wanpela sip bilong karimaut wok painim aut, na ol DEC lain i bungim Terry Kunning long kanu long solwara autsait tasol long Dip Si Teiling Plesmen (DSTP) bilong Ramu NiCo.

Tim lida bilong DEC, Mista Sine i tok ol i guria stret olsem Terry Kunning i stap namel long solwara na yusim string long pulim aut ol pipia

long solwara na save toktok tumas long niuspepa na sosel midia olsem graun bagarapim nambis na ol rif.

Dispela local man Terry Kunning em wanpela man tasol husatl save go oltaim long niuspepa na tu givim kainkain giaman ripot long ol NGO olsem Ramu NiCo DSTP i bagarapim solwara.

Taim ol DEC opisa i so kamap wantu tasol Terry Kunning i kisim wanpela plastic kontena na i soim ol graun em i tok em i kisim insait long solwara bihain long em i tromoi string wantaim wanpela ain-paip i go daunna pas long graun na kisim graun i kam antap.

Ol DEC opisa i tokim em olsem ol i no inap kisim dispela sempel em i soim ol bikos ol ino bin stap na



Ol daiva i sekim ol pis rif long Basamuk Be.



Lokal man bilong Mindre viles, Terry Kunning soim ain em save yusim long kisim graun o teiling bilong Basamuk Rifaineri aninit long Basamuk solwara na save toktok olsem em painim long nambis.

em i kisim. Olsem na ol i askim em long soim ken rot em i yusim, na Kunning i tromoi string i go daun tripela taim. Na long tupela taim em i no kisim graun i kam antap. Wanpela taim tasol em paip bilong em i bringim liklik hap graun i kam antap.

Ol DEC lain i lukim rot Terry Kunning i wokim long kisim aninit tru long solwara na bringim i kam antap na save toktok tumas long niuspepa na givim stori blong em long ol NGO. Dispela eria we Terry Kunning i go kisim graun long em miksing zon we i stap insait long Permit bilong DEC. Na wanem dispela man i wokim em i no stret.

Ol DEC lain i kisim string blong Terry Kunning we ol bai karim i go na kisim longpela bilong em na

mekim ripot long en.

Olsem polsol DEC i kisim long ol daiva insait long solwara em ol bai salim i go long Australia long mekim moa wok painim aut long em long givim ripot i go long Minista blong Envaïromen Konsevesenna Klaimet Senis, John Pundari.

Terry Kunning tu em wanpela man husait i bin go pas long dispela bikpela DSTP kot long stopim Ramu NiCo bai noken husim DSTP. Tasol Nesinol na Suprim kot i bin rausim kot bilong Terry na larim Ramu NiCo long husim DSTP tete.

Tete, Terry Kunning i save traim long husim ol midia na NGO olsem Bismarck Ramu Grup insait long Madang long bagarapim nem bilong Ramu NiCo Projek.

salens bilong graun na masin bilong mekim wok.

Ol dispela namba i soim klia mak bilong wok mipela i pinisim:

- Moa long 4.5 miliar kubik mita bilong graun wok i pinis
- Klostu 195,000 kubik mita simen i silip pinis
- Klostu 48,000 tan stil biling i sanap, hap long ol em ol nupela
- Moa long 2,000 yunit masin i sanap redi
- Moa long 227 kilomita bilong baret na proses paip i silip (antap long 135 kilomita slari paipain)

'Wanpela Ramu NiCo, Wanpela Komyniti'

Ramu NiCo redi long givim

Insait long moa long tupela yia, Ramu NiCo i sanapim pinis malti bilian Kina Ramu Nikel Projek, na nau mipela i redi long komisanim.

Bihain long mipela i kisim olgeta tok orait na stretim ol teknikal wok redi, Ramu NiCo i go het wantaim bikpela wok konstraksen long namba tu hap bilong 2008. I kam inap nau, olgeta bikpela konstraksen wok long Krumbukari main sait na Basamuk rifaineri i pinis, na projek i stap redi long kisim komisanim o tok orait long mekim wok. Long wol tu, dispela kain hariap sanapim em i no kamap bipo long wanpela kain bikpela projek olsem, na i daunim olgeta



SPC laikim moa pipel long Melanesia i kisim pawa

SEKETERIET bilong Pasifik Komyuniti (SPC) i wok long wanpela program long kisim pawa we pipel inap long baim na yusim long mekim ol wok long haus.

Ol i kolim projek, "Melanesia's Million Miracle Programme" (M3P) na ol i lukluk long en long kisim pawa i go long moa long wan milien pipel long Melanesia rijon olsem long PNG, Solomon Ailan na Vanuatu, long yia 2020.

Long 10 milien pipel long Pasifik rijon, samting olsem 7 milien i no gat pawa. Na rurel Melanesia i save bungim moa salens bikos pe bilong pawa na bensis i antap stret, long taim yumi skelim wantaim ol narapela rijon long wol, SPC ripot i tok.

Insait long Melanesia, mak long 20 pesen bilong mani pipel i kisim i save go long baim pawa, ripot i tok.

Yunaitet Nesens i makim dispela yia olsem "Decade of Sustainable Energy for All", na SPC i luksave olsem em i bikpela samting long pipel i mas kisim klipela pawa we pipel bai gat inap mani long baim long helpim strongim ikononik developmen na inapim ol 2015 Mile-nium Developmen Gol agenda.

Olsem na SPC i gat bilip

olsem long yia 2020, M3P bai bringim mirakel pawa i go long ol komyuniti long Melanesia.

Long Vanuatu, M3P i bilip olsem em bai kisim pawa i go long 26,625 haus o famili long ol rurel eria o 159,790 pipel long yia 2020.

Long statim projek, em bai bringim pawa i go long 200 famili long tupela rurel komyuniti na helpim long daunim mak o spes namel long ol ples lain na taun lain long sait bilong kisim pawa, SPC ripot i tok.

Wanpela tim bilong SPC Eneji Program i bin stap long Vanuatu las wik long mekim wok aweanes na kisim ol data ripot long ol rurel komyuniti lain.

Dispela tim i wok bung wantaim Vanuatu Department of Energy na NGO Alternative Communities Trade long Vanuatu (ACTIV), i painim Port Resolution na White Sands olsem dispela tupela pailot projek komyuniti long rurel pawa projek

Tim bilong SPC i bin kisim ol data ripot na rot we komyuniti i save kisim lait long en, kain oil o fiul ol i save kuk wantaim, rot we famili na haus i save kisim mani long en na rot we ol i save tromoim mani long en.

Risal i soim olsem ol haus

long tupela komyuniti i save kisim fiul long lait wantaim olsem ol tumbuna bilong ol long ol kain rot olsem baiomas, kendel na kerosin.

Projek i lukluk long yusim sola eneji o pawa we bai daunim bikpela kabon o smok nogut na tu, pipel i save lukluk tumas long kerosin na tromoi bikpela mani long en.

Projek bai kisim ol meri i go insait na mekim bikpela wok olsem ol ejen bilong senis.

Plen em long kamapim ol maket na bisnis envairomen.

Ol i luksave pinis long ol meri grup na ol bai givim trening long ol long menesim ol maikro bisnis bilong ol we bai helpim long pulim mani i go long ikononik bilong kantri na long wankain taim tu, kamapim gut laip na sindaun long ol famili bilong ol.

SPC tim i bungim pinis ol meri grup insait long tupela komyuniti na projek bai givim ol save long menesim ol komyuniti beis maikro bisnis, ripot i tok.

Em i tok ol meri bai ranim ol sola stua na ol bai kamap olsem ol ples we ol bai sasim ol sola lait long en.

Ol kaunsil bilong ol meri insait long tupela komyuniti bai kodinetim ol sola stua, Kuini Rabo bilong Eneji Program bilong SPC i tok.



Ol meri long Port Resolution i pulumapim ol sevei pepa bilong M3P beislain data ripot.



Kuini Rabo wantaim Tafea Wimens Kaunsil presiden, Dorothy Pel, i sekim ol beislain data ripot bilong White Sands. Foto: SPC

Singaut long PNG i planim moa igelwud diwai

Mathew Yakai i raitim

WANPELA saveman i singaut long pipel bilong dispela kantri i planim moa igelwud (eaglewood) diwai.

Philip Fab i saveman long egrikalsa na i profesenel foresta o em i speselis long ol diwai na i wok wantaim Madang provinsal gavman i tok i moabeta nau ol pipel long PNG i stat long planim

accqualaria diwai we yumi save long en olsem igelwud.

Mista Fab i tok prais bilong wanpela kilogrem igelwud nau em K20,000 na olgeta 6-pela mun, prais i save go antap long inap long

mak bilong K5,000.

Em i tok klaimet long PNG i gut-pela long planim igelwud na bihain long 20-30 krismas, kantri bai kisim bikpela mani long en.

Mista Fab i gat wanpela igelwud projek long ples bilong em Nom long Megea eria, Not Kos Madang we em i groim 1,500 igelwud diwai i stap.

Em i gat neseri bilong em we em i salim wanpela pikinini igelwud diwai long K15.

Bihain long 20 krismas, yu ken kamapim gut mani wantaim moa long K20,000 taim yu salim wanpela kilogrem A gret igelwud.



Poto: Philip Fab i amamas long soim wanpela helti Igelwud diwai long projek eria bilong em. Foto: Mathew Yakai, MY Media & News Agency

DRINKERS & FEEDERS

Buy 2 x 20kg Tablebirds Stockfeed & recieve 2Ltr Drinker or 3kg Feeder
Buy 2 x 40kg Tabebirds Stock Feed & recieve a 4Ltr Drinker or 6kg Feeder

FREE

Tablebirds STOCKFEED
No. 1 Kaikai bilong Kokaruk!

AVAILABLE AT PARTICIPATING DISTRIBUTORS NATIONWIDE

Kokopo distrik gems i kamap gut

Michael Novingu i raitim

SPOT em i wanpela gutpela samting we i save kisim ol manmeri bilong ol komyuniti, provins, na kantri i kam bung wantaim, na kamapim pasin poroman na gutpela sindaun.

I no long pilai spot tasol bai kamapim gutpela sindaun, nogat, spot i ken kisim developmen i kam long ol komyuniti tu.

Gavana bilong Is Niu Briten (ENB), na memba bilong Kokopo, Ereman To Baining junia i mekim dispela toktok taim em i pasim Kokopo distrik gems long Kalabond pilai graun long las wik Fraide.

To Baining i tokim ol manmeri long Kokopo distrik long wok bung wantaim na pilai strong long go pilai long namba 6 PNG Grasrut gem long Lae long mun Novemba.

Em i tok ENB i gat ol gutpela spot manmeri i stap, na ol i mas kam aut na soim dispela save na skil bilong pilai long taim bilong PNG Gems.

Em i tok olsem spot i gat planti gutpela samting i stap long en, na em i salensim ol spot manmeri long Kokopo distrik long wok bung wantaim long



Volibal eksen long Kokopo distrik gems.

trupela spirit bilong pilai.

“Sapos yu pilai spot, na kamap gutpela spot manmeri, bai yu apim nem bilong yu na provins bilong yu, na tu, bai yu kamap helti, na kamapim gutpela sindaun long famili, komyuniti, na kantri wantaim, To Baining i tok.”

To Baining i tok em bai

givim K150, 000 mani mak i go long foapela LLG long Kokopo distrik long kirapim wok bilong spot.

Em i tok mani mak olsem K200, 000 bai go long kirapim wok bilong ENB provinsel gem long 2015.

Em i tok wok redi bilong 2014 long Kokopo distrik gems i no bin gutpela

tumas, na long 2015 ol bai mekim gut provinsel gems.

To Baining i tokim ol spot manmeri olsem gavman i makim Is Niu Briten olsem provins bilong ol turis long kam raun lukluk, na long dispela as, em i askim ol pilai manmeri soim gutpla pasin bilong long ol turis bikos ol turis i save kisim

mani i kam insait long provins.

Em i tok olsem long ENB, i no gat maining long apim ikonomi bilong provins, na provins i save kisim strong long kakao na kokonas.

Em i singaut i go long ol manmeri long wok hat long planim kakao, kokonas, na ol arapela kes krop long ki-

rapim ikonomi bilong provins, na helpim ol yet.

Em i tokim ol pilai manmeri olsem gavman bai givim K55 milien long ENB long 2015 long kirapim wok developmen long provins. K25 milien em i bilong Kokopo distrik long stretim ol rot, skul, na ol arapela wok.

To Baining i tok tenk yu long ol LLG presiden, na ol wok lain bilong ol foapela distrik long kamapim gut Kokopo distrik gem. Em i amamas long lukim olsem no gat hevi i bin kamap.

Samting olsem 1,000 manmeri, na ol spot manmeri bilong foapela distrik long Kokopo i bin kam bung long pilai, na lukim pilai.

Ol spot we i bin kamap em volibal, sofbal, soka, ragbi tas, ragbi sevens, kikkoksen, na etletiks.

Long ol dispela gem ol bai makim ol spot manmeri long makim Kokopo distrik long go pilai long provinsel gems long 7 Julai i go 12 Julai na bihain ol bai makim ol spot manmeri long makim ENB long go pilai long PNG Gems.

Long ol dispela pilai, ol Bitapaka i kam namba wan, Raluana namba tu, Kokopo Eben namba tri, na Duk ov Yok i kamap namba foa.

Tura bai go long Kokopo



OPISAL maskot bilong 2015 Pasifik Gems, Tura, bai go long Kokopo long Is Nu Briten provins long dispela wik. Tura bai go wantaim ol arapela opisal bilong Gems Ogenaising Komiti (GOC).

As bilong raun bilong Tura i go long Kokopo em long strongim na givim sapot long ol pilaia bilong PNG Hunters.

Dispela raun bilong Tura em namba wan raun bilong em autsait long Pot Mosbi.

Sif Ekseyutiv Opisa (CEO) bilong GOC, Peter Stewart i tok dispela raun bilong Tura em bai strongim tingting bilong ol Hunters na helpim ol long win long dispela wiken.

“Taim Tura i stap long Kokopo, em bai raun i go long ol skul, haus sik na long ol komyuniti tu. Long Sarere em bai ran wantaim ol Hunters long givim sapot long ol,” Mista Stewart i tok.

Em i tok raun bilong Tura i go long ol arapela provins autsait long Pot Mosbi i gutpela, long wanem, em bai bringim spirit bilong Pasifik Gems i go long ol dispela hap, na ol pipel bai amamas.

Tura wantaim ol opisal bilong GOC bai toktok long redio Is Nu Briten tu, ol bai toktok long gutpela bilong Pasifik Gems long kantri.

Mista Stewart i laikim ol pipel bilong Is Nu Briten long wok bung wantaim Tura long bringim spirit bilong Pasifik Gems na sapotim ol PNG Hunters.

Ol wiken spot dro

SP Pot Mosbii Ragbi Lig Dro: Raun 3

Brothers	vs	Hawks
Paga Panthers	vs	Souths
Kone Storm	vs	Royals
Hohola	vs	Defence
Magani	vs	Maiari Eagles
Kone Tigers	vs	Butterflies
Dobo Warriors	vs	West
Tarangau Bye		



ROUND 3 CROSS OVER ROUNDS (Amended 17/6/14)

Week 11	Home	Away	Venue
22-Jun	Tigers	Wigmen	Lae
22-Jun	Muruks	Gurias	Mt Hagen
22-Jun	Vipers	Mioks	Lae

COMBINED LEADER BOARD AFTER ROUND 10											
	Played	Win	Loss	Draw	Bye	Forfeited	For	Against	Diff	Points	Position
Tigers	8	7			1	2	178	96	82	19	1
Wigmen	8	6	2			2	154	105	49	16	2
Gurias	8	5	3			2	152	98	54	14	3
Muruks	8	5	3			2	164	120	44	14	4
Vipers	8	4	4			2	134	130	4	12	5
Mioks	8	3	3		2	2	118	116	2	12	6
Lions	8	3	5			2	106	148	-42	10	7
Lahanis	8	2	5		1	2	100	158	-58	9	8
Eagles	8	2	6			2	76	133	-57	8	9
Isapea	8	1	7			2	70	135	-65	6	10



PNG Anda 19 ragbi tim i redi

Isaac Liri i raitim

OL PNG Anda 19 ragbi nains tim we bai go pilai long Komonwelt Ragbi Sempionsip i redi pinis na ol bai lusim kantri long Julai 21.

Long dispela wik, Papua Niugini Ragbi Futbal Lig (PNGRFL) i tokaut long skwat bilong go pilai. Skwat em, Bill Paul, Ereman Elias Ken, Eliakim Lukara, Solomon Thomas Nandape, Gahuna Silas, Anderson

Benford, Josiah Mano Jimmy, Stanton Albert, Dickson Amea, Warren Glare, Nickson Borana Ugaia, Bali Las, Lavax Ketauwo, John Ragi Junia na Joel Kee.

Siaman bilong PNGRFL, Sandis Tsaka, i tok ol dispela pilaia i gat 17 na 18 krismas, na ol i bin pilai gut tru long nesenel seleksen long Lae.

Em i tok PNGRFL i amamas long givim sapot long dispela Anda 19 skwat, long wanem, dispela skwat em ol pilaia bilong PNG Hunters



PNG Anda 19 tim i sanap wantaim meri i makim PNG LNG, Rebecca Arnold. PNG LNG em i wanpela sponsa bilong ol.

na Kumuls long taim bihain. "Gutpela pilaia wantaim ol gutpela opisal bai kisim gut-

pela risal, na mipela i bilip olsem mipela i kisim ol gutpela pilaia na gutpela

opisal," Mista Tsaka i tok. Kosa bilong dispela skwat, Dennis Miall, i tok ol

bai pilai strong, long wanem, ol i laik kisim gutpela risal na mekim kantri i amamas.

PNGOC kisim K100, 000 long SP Brewery

Isaac Liri i raitim

WOK pren namel long Papua Niugini Olimpik Komiti (PNGOC), na SP Brewery i no bilong nau tasol, dispela tupela ogenaisesen i bin save wok bung long bipo yet i kam inap nau long helpim ol spot manmeri bilong kantri.

Menesing Dairekta bilong SP Brewery, Stan Joyce, i givim sek mani inap long K100, 000 i go long PNGOC long sapotim tim PNG we bai go pilai long Komonwelt Gems long neks mun, na long Yut Olimpiks long mun Ogas long Saina.

"PNGOC i nidim planti mani long salim tim PNG i go

long Komonwelt Gems long dispela yia, long wanem, dispela bikpela pilai bai kamap long Skotland, na Skotland em longwe tru long Papua Niugini," Mista Joyce i tok.

Em i tok maski Skotland i longwe, em i gat bilip long ol spot manmeri bilong Papua Niugini long kisim gutpela risal, long wanem, ol i kisim

gutpela trening insait long kantri, na tu, long ovasis.

PNGOC i makim 94 etlit na 46 opisal long go long Komonwelt Gems, na 23 etlit na tenpela opisal long go long Yut Olimpiks.

Siaman bilong PNGOC, Sir John Dawanincura, i tok baset bilong ol dispela yia long salim tim PNG i go long

Komonwelt Gems na Yut Olimpiks em K3 milien.

Em i tok gavman i givim K1.5 milien long helpim ol na arapela K1.5 bai kam long Trukai Fan Ran na sapot SP Brewery i givim long dispela wik.

Tim PNG long go long Skotland bai lusim kantri long namba 15 de bilong mun

Julai.

Antap long dispela, Sir Dawanincura i tok PNGOC i save singautim olgeta sponsa bilong ol long taim ol i holim Anuel Jenerel Miting (AGM) bilong ol. Em i tok ol i save mekim olsem bikos ol i laik soim ol sponsa bilong ol olsem ol i save yusim mani gut.

Petromin sapotim Trukai Fan Run

Isaac Liri i raitim

PETROMIN PNG Holdings Limited em wanpela ogenaisesen we i save sapotim Trukai Fan Ran long olgeta taim dispela komyuniti sapot program i kamap.

Petromin i save sapotim bikos ol i luksave olsem dispela komyuniti spot program i save helpim ol manmeri long stap helti na strong, na kamapim gutpela sindaun insait long ol komyuniti.

Long soim bikpela sapot bilong ol long dispela yia, Petromin i givim ol Fan Ran t-siot i go long tupela skul insait long Nesenel Kapital Distrik (NCD). Ol dispela tupela skul em Koroboro Intenesenel Skul na Christian Academy Praimeri skul.

Waigani Christian Academy i bin kisim 150 t-siot na Koroboro i kisim 350 t-siot.

Menesa bilong Kopereit Sevis Envairomen, Gavman na Pablik Rilesen, na Propeti na Sekyuriti, John Moroso, i tok ol i amamas long givim ol dispela t-siot i go long ol skul, na ol skul yet bai mekim disisen ol yet sapos ol laik salim o givim fri i go long ol sumatin na tisa.



Ol sumatin bilong Christian Academy Praimeri i skul i amamas wantaim ol Trukai Fan Ran t-siot Petromin i givim.



Ol wokman meri bilong Petromin i sanap wantaim ol sumatin bilong Koroboro.

PNGRFL na PNGNRL i wok bung wantaim nau

Isaac Liri i raitim

LONG sampela wik i go pinis, Papua Niugini Ragbi Futbal Lig (PNGRFL), na Papua Niugini Nesenel Ragbi Lig (PNGNRL), i bin gat sampela liklik hevi long sait bilong salim ol pilaia i go i kam long Digicel Kap na PNG Hunters.

Ol dispela hevi i bin kamap bikos tupela ogenaisesen i no bin gat gutpela agrimen i stap long bipo. Long wanpela midia leta, PNGRFL i tok ol i no bin save ran gut long bipo, na nau taim nupela siaman i kamap, ol i mekim planti gutpela wok long strongim ragbi lig long kantri. Ol i tok ol i stretim ol hevi bilong bipo tu we i bin stap taim olpela siaman i bin stap.

Dispela tupela ogenaisesen em ol bikpela ogenaisesen; PNGRFL i save lukautim ol PNG Hunters wantaim tim Kumul program, na PNGNRL i save lukautim Digicel kap.

Long dispela wik, tupela bos man bilong tupela ogenaisesen i kam bung na

tokaut olsem ol bai wok bung long dispela yia na ol pilaia bilong Digicel kap bai gat sans long pilai long PNG Hunters, na ol pilaia bilong PNG Hunters bai gat sans long pilai long Digicel kap.

Siaman bilong PNGRFL, Sandis Tsaka i tok tupela ogenaisesen i mas wok bung wantaim bikos sapos ol i no wok bung, developmen bilong ragbi lig insait long kantri bai i no inap long kamap gut.

Siaman bilong PNGNRL, Sudhir Guru, i tok long bipo PNGNRL i bin wanpela independen ogenaisesen we i save kisim sapot long ol kampani husat i save sponsa long ol ragbi lig klap.

Em i tok PNGNRL i save givim mani inap long 15-17 milien long olgeta yia i go long ragbi lig long kantri, na olgeta pilaia bilong PNG Hunters long dispela yia, em ol prodak bilong Digicel kap we PNGNRL i save sapotim.

Tupela ogenaisesen bai wok strong yet long kamapim agrimen bilong wok bung long yia 2015 na i go.

SPOTS DRO RAUN 15

Fraide: Jun 20, 2014

7.45pm

GIO Stadium

Raiders V^s Bulldogs



Sarare: Jun 21, 2014

5.30pm

Mt Smart Stadium

Warriors V^s Broncos



7.30pm

Remondis Stadium

Sharks V^s S/Eagles



Sande: Jun 22, 2014

2.00pm

AAMI Park

Storm V^s Eels



3.00pm

Cbus Super Stadium

Titans V^s Dragons



Mande: Jun 23, 2014

7.00pm

Hunter Stadium

Knights V^s Cowboys



Bai

Rabbitohs, Panthers, Roosters, na West Tigers

Ol eksen poto long Stet ov Orijin gem 2



Ol sapota bilong Blues

NSW kepten, Paul Gallen i ran wantaim bal.



Sta pilaia bilong ol Maroons, Greg Inglis i no bin gat sans long skoim trai.

Huka bilong Blues Robbie Farah i bin putim bikpela was long hap bek bilong Maroons, Daley-Cherry Evans

Raun 14 Poin Lata

Pos	Tim	W	B	L	D	Pts
1.	Panthers	9	1	4		20
2.	Sea Eagles	9	1	4		20
3.	Rabbitohs	9	0	5		18
4.	Roosters	9	0	5		18
5.	Broncos	9	0	5		18
6.	Bulldogs	8	1	5		18
7.	Eels	8	1	5		18
8.	West Tigers	7	1	6		16
9.	Cowboys	6	1	7		14
10.	Warriors	6	1	7		14
11.	Cowboys	6	1	7		14
12.	Storm*	6	1	7		14
13.	Titans*	6	1	7		14
14.	Raiders	4	1	9		10
15.	Sharks	2	2	10		8
16.	Knights	2	1	11		6

Blues i winim Maroons long wanpela strongpela gem

BIHAIN long 8-pela yia olgeta, Blues i kisim bek taitel long ol sempion ol Kwinlan Maroons.

Laspela taim we Blues i bin winim taitel em long yia 2005.

Dispela namba tu gem bilong Stet ov Orijin i bin wan-

pela strongpela gem stret we i bin lukim planti pait i kamap long namba wan hap, na tu, long namba tu hap.

Long 14 minit bilong gem, lok fowod bilong NSW Blues, Greg Bird i bin givim wanpela penalti i go long ol Maroons na dispela i bin

lukim gol kika bilong ol Maroons Johnathan Thurston i kisim tu poin long penalti gol.

Long namba 30 minit bilong gem, James Tamou bilong Blues i givim narapela penalti gen i go long ol Maroons, na Thurston i kisim 2 poin gen long mekim skoa 4-0.

Taim Thurston i kisim dispela 2 poin, em i mekim histori na brukim rekot bilong Mal Meninga long kamap wanpela Stet ov Orijin pilaia i skoim moa poin long orijin. Johnathan Thurston i gat 162 poin long orijin.

Maroons i bin winim namba wan hap wantaim skoa 4-0.

Long namba tu hap bilong gem, tupela tim i bin pilai strong stret na traim long skoa tasol difens bilong tupela tim wantaim i bin strong tru.

Long namba 51 minit bilong gem, prop bilong Maroons, Sam Thaiday i bin brukim difens bilong ol Blues na ran i go long skoa tasol em i no bin putim bal i go daun gut, na vidio reperi i tok em i no trai bikos em i pundaunim bal.

Long namba 71 minit bilong gem, wantaim 9 minit tasol i stap bipo long ful taim, hapbek bilong ol Blues, Trent Hodkinson, i ran go insait long wanpela gep, na i go skoim wanpela trai.

Hodkinson i bin kisim narapela tu poin gen long mekim skoa i kamap 6-4.

Bihain long dispela, ol Blues i bin strongim difens bilong ol inap pilai i pinis.

Plantilong ol Blues i bin kraik bikos em i bin namba wan taim bilong ol gen long winim Stet ov Orijin bihain long 8-pela yia olgeta.

QRL Intrust Super Cup draw

Round 17 (21-22 June)		
Home	Vs	Away
PNG		Easts
Mackay		Bye
Ipswich		Norths
Tweed		Burleigh
Pride		Capras
Souths		Redcliffe
Sunshine Coast		Wynnum

Raun 16 poin lata

Pos	Tim	W	B	L	D	Pts
1.	Northern Pride*	12	1	2	0	26
2.	TH Seagulls	10	1	5	0	22
3.	PNG Hunters	9	1	6	1	21
4.	Ipswich Jets	9	1	6	0	20
5.	East Tigers*	8	1	5	1	19
6.	WM Seagulls	8	1	6	0	18
7.	Devils	8	1	6	0	18
8.	Bears	8	1	7	0	18
9.	Dolphins	6	2	7	1	17
10.	Magpies	6	2	8	0	16
11.	Mackay Cutters	6	1	9	0	14
12.	CQ Capras	2	2	11	1	9
13.	SCoast Falcons	0	1	15	0	2

* Northern Pride vs Eastern Tigers postponed to Sunday 6th July

PNG SP Hunters wantaim Stan Joyce Kap ol winim long Kokopo.



Oi spot eksen poto long wiken...



Telstar pilaia i kisim wangepa gut bal kam long wan pilaia bilong em taim Sparrows pilaia i putim was long em long wiken gem bilong long Bisini netball kot. Dispela wik Spot Minista i brukim graun long kamapim nupela netball stedum.



EM PIS O: Pilaia bilong Mermaids i tainim olsem pis taim em kisim dispela bal.



Ragbi Yunien eksen long Monia Pak namel long University Piggy na Harlequins we Harlequins i kamap wina bilong dispela pilai bilong tupela long wiken.



TOKSAVE: Salim ol spots dro bilong yu kam long Feks; 325 2579, e-mel;bveo@wantok.com.pg o kam lusim long Wantok Niuspepa opis long Able Building Complex long Central Waigani, NCD.



TUNA IN OIL

Moa oil na meat insait

Bluesssss i sempion long 2014



Blues kepten Paul Gallen i lidim ol long winim namba wan gem bihain long 8 - pela yia. Blues winim Maroons 6 - 4. Stori long pes 26.

Featured Products

- *Treated Mosquito Nets Prevents Malaria
- * Visitect Tests for Malaria
- * Arterakine Tablets Treat Malaria (artemether & piperaquine phosphate)

Good Products, Better Prices, ikam long.



Johnstons Pharmacies Ltd

Phone 325 3185 Fax 325 0190 Email sales@johnstons.com.pg